


境物而人體名者

AE
4
T8
1689
v.6



三才藻異

三才藻異

古董屠粹忠芝巖著

慈水馮佩實持庵校

境物而人體名者

洗腸源

內丘佛圖澄洗腸於此

了悟源頭洞開腹裏一洗古今兩空人已

朝歌城

濬縣南有紂糟丘酒池

醉鄉是樂土非迄今猶有烏夜啼雉朝飛

二古樂府題

省冤谷

高平即趙卒受坑處唐明過此致祭改名

泣月魂飛臨風杯灑含笑可邀沉冤難解

安樂窩

百門泉上邵康節寓

來○往○鳥○言○榮○枯○花○信○縱○曰○敦○仁○良○由○知○命○

忘憂館

歸德曜華宮內梁孝王集枚乘等七人各賦鶴鹿風月賜絹

鳥○尚○歌○風○泉○還○貯○月○草○樂○萱○留○人○悲○棘○沒○

萱名忘憂草

買愁村

瓊州臨高縣

愁○不○可○賣○禍○不○可○嫁○莫○愁○湖○邊○松○風○無○價○

吹臺

開封卽繁臺也師曠建梁孝王增築今猶存舊址

曉來犢笛春去鳥笙一抔黃土滿目青榛

怪山

范蠡作城訖一山自至蓋瑯琊東玉海中
山也一夕自來人怪之故名

放瑯琊棲會稽海還可蠡測山豈慕鳶飛

醉石

栗里澗中一大石隱然有人形相傳靖節
醉卽卧此○阮籍醉眠酒家婦側

不枕酒家來尋石丈千古醉鄉六朝人樣

忌坂

介休介之推避晉文於此○寒食有龍忌
之禁畱綿上之田以旌善人

蛇何避龍何忌旌善已無田禁煙還有地

夢谿

丹陽宋沈括常夢至一小山花木如錦後謫南徐見此宛如夢中

偈曰如幻夢如泡影作如是觀卽心卽境

笑泉

無爲州僊人井乃呂僊卓劒湧泉累若貫珠笑慢其旁卽沸

卓劒飛虹鼓掌噴龍笑而不厭養而不窮

惜陰亭

桐城陶侃爲樅陽令後人思立之

光惡其虛力虞其竭片瓦半椽竹頭木屑

望氣臺

靈寶關尹見紫氣丈餘飛人關口曰必有異人過此翌日老子至

瞻紫氣來乘青牛去鳥語空臺龍歸何處

賞心亭

秦淮宋真宗出袁安卧雪圖與丁謂令選一絕景懸之卽此亭也

揚高士風作名山供圖畫天開鑑賞人共

點頭石

生公講經虎丘人不信聚石爲徒與談至理石皆點頭

頑可悟說非差但得人如石何須天墮花

斲脰河

淇縣紂斲朝涉之脰卽此

殘黎民腴悅彼婦口孟津渡河不脰而走

洗耳河

汝州許由洗耳處盧藏用名隨駕處

三漏

耳也不聞一瓢可借以此洗心士無隨駕

醒酒臺

天門山前有巨石，乃劉伶醒酒處。

醉○尋○栗○里○醒○卧○天○門○已○甘○荷○鋪○何○用○雲○根○

滴乳泉

順慶昔道士何志全飲此年八十面如桃花，穰老二百餘歲飲乳。

顏○如○花○乳○可○珍○惜○供○何○道○士○不○飲○穰○老○人○

抱腹巖

介休峯環澗繞，形如抱腹，泉名蜂房，有異僧渡此，白兔前引，唐太宗遊此有詩。

疊○嶂○繞○曲○澗○深○揚○眉○看○兔○引○抱○膝○聽○龍○吟○

穿心洞

代州圭峯上，前後石竅洞開，初時猶俛入，則朗然高曠，可容千餘人，避兵無恙。

藏○月○窟○鎖○雲○囊○談○心○皆○犢○子○避○世○卽○漁○郎○

醉白堂

彰德韓忠獻作此美樂天也東坡有記

浮○白○吟○風○留○丹○捧○日○易○地○皆○然○隨○時○各○得○

談○公○石

同安嘉禾嶼陳黼讀書堂側大石高十六丈刻談公二字

談○雞○無○跡○揮○塵○無○痕○一○拳○之○石○衆○妙○之○門○

肥○水

廬州謝公破符堅於此

一○鞭○斷○水○萬○甲○捐○軀○咽○人○多○矣○能○無○肥○乎○

愚○溪

永州府城西舊名冉溪柳宗元謫居改此有八愚詩記石上

學○愚○公○愚○師○柳○州○柳○山○既○可○移○水○亦○可○守○

逍遙山

簡州石刻漢安元年四月十八日會僊石室丹竈猶存潘師正隱逍遙谷

山靈如昨僊盟難尋松招潘隱泉想常吟

常負號逍遙公

歌舞岡

番禺趙陀三月三日登高於此即陀葬處

柘舞舊枝鳥歌新水玉匣空留錦纏安在

細腰宮

華容楚靈王貯美人於此

爭耽柳舞誰惜花飛鷓鴣宮畔夜夜啼飢

不語灘

長壽傳州人至此多言則水勢噴湧

多言多躁逝者如斯緘金守玉君子則之

翠眉亭

績溪亭前二小山對出如眉蘇轍作令賦此後人刻像懸焉○遠山新月眉也

可○賦○遠○山○足○吟○新○月○隋○黛○無○蹤○峨○眉○畱○轍○

隋宮畫長眉

井乳巖

永安洞中一石突出如蓮花泉自石中迸出味甘冽以穢物盛則不流

詩○曰○石○髓○半○含○井○露○味○荷○衣○長○帶○滑○酥○香○

貪泉

吳隱之有貪泉賦沉香浦亦其事

投○錢○畱○清○沉○香○畱○介○操○比○夷○齊○酌○之○何○害○

廉泉

梁州有廉泉讓水

貪○不○變○飲○廉○更○若○何○廉○易○矯○飲○貪○更○若○何○

跪井

貴陽城南明建文遜跡羅永庵井名此汲者跪乃得謂溪龍所獻以飲帝者

飲帝汲民並受福于王明不屈膝亦忘恩

義河

景陵宋太祖微時常渡此以錢遺舟人不受後詔免漁課

野人好義帝子懷恩烟波漁艇古道猶存

碩項湖

安東秦時謠城門血城當沒一姆懼每旦往窺門吏知故塗血姆見走頃城陷

姆德碩吏血沾雨泣披蓑驚風悲縮項鰢

鰢即槎頭鰢也

石鼻山

夷陵西北高五百餘仞江中有巨石橫七十餘丈如筏名石簾鼻名良廬

石壁如不失良之廬石簾若不驅秦之鐸

始皇有驅山鐸

目巖

平樂府、岩間有兩目、如人眼極大、瞳子黑、白分明、

閱盡古今分明黑白難比倭倭

眼長思阮籍青白眼

膽水

鉛山鎖山門處、或湧平地、或出石罅、能化鐵為銅、姜維守天水郡、膽大如斗、

一斗不朽一何求將軍天水上下同流

咄泉

安豐淨戒寺北、泉旁大叫則湧大、小叫則湧小、若咄之湧彌甚、

咄咄逼人左右流之咄咄怪事小大由之

掩浦

歸安始皇東遊、項梁與籍往觀、籍曰彼可取而代也、梁掩其口、

掩耳不及重瞳有焉所以防口甚於防川

峨眉山

眉州來自岷山，延三百餘里，至此突起三峯，其二峯對峙如眉。

雲○掃○淡○月○添○彎○雙○尖○如○畫○何○須○十○二○煙○鬟○

僊掌山

睢寧山上有掌痕，長闊丈餘，偶然則見，著意則非。

屈○指○白○日○拍○手○紅○塵○豈○同○世○態○覆○雨○翻○雲○

憨山

繁峙東，崎嶇難辨，故名。有梵僧從魏孝文帝乞一卧具許之，僧展具覆五百里，帝駭。

布○地○袈○裟○迷○空○雲○樹○愚○公○若○移○山○靈○不○妬○

恭水

源出芮城縣北中條山之前，甘棗山之後，入河。

非○廉○泉○豈○遜○水○如○溫○溫○恭○人○抑○謙○謙○君○子○

聽山

南鄭縣聽山下有穴水東流為智水即壻鄉

流不竭智常新雲影坦牀卧松風洗耳聽

舞水

在舞陽東南三里泉水湧躍如舞舞陽之名取此

莫繞電如公孫之劍願繞瀾如萊子之斑

白面山

貴池雪崖拱北如傅粉

皎映冰壺脂凝匹練傳粉書生草莽北面

香口山

東流性真和尚居此真名顛禪曾百丈崖驅虎咒其婦能祈雨

雞舌泉噴馬蹄花繞伏虎閣黎行雲梵嫂

馬蹄雞舌香也

髑髏山

延長傳古戰場收人首數萬埋此因置廟祀

燐也○伏○魂○也○藏○狐○過○悲○丘○首○猿○聞○也○斷○腸○

嗚咽泉

綏德扶蘇死此

血○飲○魚○腸○謀○成○鹿○指○水○尚○悲○鳴○人○還○切○齒○

雙牙山

簡州石對峙如牙山有井及石箱僧見兩金鵝晝浴於井夜入於箱

石○磨○牙○僧○願○足○已○畱○四○腿○鵝○惜○乏○千○箱○粟○

用僧謙光事

一指石

桐廬長一丈綴岩谷間以手抵之輒動

悟○三○生○石○參○一○指○禪○開○有○情○趣○結○無○心○緣○

退思巖

魯宗道執政營一小室、畫山水、朝退獨坐、妻亦禁入、

委蛇退食、山水盈牀、母入我室、河魁在房、

放光谷

大理府、四圍有佛光、或圓或長、五色甚異、是藥師道場、

偈曰、空空色色、非入界琉璃、乃度人藥石、

不老泉

此、廣德州南、泉脉長流、大旱不竭、古碑刻

源不竭、石不磨、逝如斯、居無何、老大蹉跎、

多智山

潛山高九百八十丈、出貢茶、多猿猴、松梓、巧工取此、

蒼顏徒紛、苦口多慮、刻鵠有材、御狙無智、

相拜山

長江形似人拜，元祐間迅雷劃開山洞，有丹竈丹井，名霹靂岩。

千年效揖讓，一日闢公關，想丹液度塵寰。

定心泉

清遠先三藏，師慮乏泉，忽老人指石曰：但定心，何慮無泉？鑿石得之。

定能生慧心，可通神，渴思夢想，水到渠成。

戲水

臨潼水出藍田，橫嶺北入渭，幽王以褒姒遊此，故名。水濁，秦二世時周章軍至此。

詩曰：千古戲場傀儡石，一聲裂繒竹松風。

歌山

東陽山上石室五間，可容百餘人。昔人登舟，望見神女于此汲水而歌，今存玉女祠。

詩曰：溪琴帶月調松韻，歌鳥隨風度竹枝。

神臂山

合江飛泉簾垂、列巘屏矗、山麓卽先氏書岩也、

何年臂斷、并露門開、泉飛、鮫泣、石卓、猿哀、

撫掌泉

餘杭洞霄宮、傳錢武肅至宮、撫掌泉湧、

射弩潮平、拍手泉引、一掬湖山、千年泡影、

感勞山

瓊州昔大軍平黎至此、秋毫無犯、土人感而勞之、

丘山戴重、峴石恩長、不驚館穀、遺愛壺漿、

濯筋水

延水尸昆割身救鵠、身肉並盡、於水中濯其筋骨、

一鵠捨身、千虹畱影、餓虎飢鷹、決流難盡、

三才圖會
減飯嶺

秦和形如側月，每江水汎則山圯一層。
傳此山日減，則民食日足。

厥土日削，厥倉日盈。欲迎貓虎，先赦鯢鯨。

咽瓠泉

藍田唐李筌遇驪山老母，授陰符經，令筌攜瓠汲水，不見。

符可名經，瓠難傳鉢。水尚吞聲，母已脫骨。

進耳山

雲南洪武謀未發而市童謠之，求其故，知土地所洩，謫神於此。

人謀鬼謀，天聽民聽。非掩耳盜鈴之蹊徑。

消魂橋

長安東壩橋，迎來送去，皆至此。

爭逐蠅頭，踏平鯨脊。若解消魂，不愁落魄。

哺飢坂

絳州卽趙盾桑間哺餓夫處

膾炙千年翳桑報澤不食嗟來恨無遺跡

思鄉水

合浦源出思洞山流至武利江復回峒界入宴江去而復返

不隨波去長伴珠還寄聲遊子應羨臨淵

聰明泉

潯陽落星山澗有五松橋惠遠與殷仲堪談易而泉湧

窮源藏往溯流知來六爻揮發三漏俱開

忠義潭

永新宋末有八姓勤王弗克相率赴潭死

壯志波翻丹心浪咽千禩寒潭八家熱血

換骨巖

武夷山中半壁石室前有黃心木如橋上至函藏僊蛻傳尸解者悉于此換骨

產黃心藏白骨蓬島絕凡胎飛昇皆飾說

醉心亭

滁州豐樂亭東歐陽修建常安心有詩曾鞏作記

有詩杯未舉時先月醉筆還隨處帶花開

逃債臺

周赧為諸侯侵逼多負債于民乃上臺以避即洛陽南宮簑臺

求金無使索逋有民寧人負我毋我負人

續命田

元嘉末青州饑劉善明家有積粟開倉救里民因名其田

積穀防饑種德造命方寸良田代耕不盡

大悟山

孝感唐僧法信至此為民祈雨引刀截左右膝白乳流出遂涅槃賜號靈濟

雲○傍○腰○生○雨○隨○脚○落○僧○跨○小○巫○山○應○大○覺○

別情洲

曾城洲有斗潭人見金牛常出水盤石上張安鈞此得金鑠數尺近有琵琶洲

金○鈎○脫○却○玉○尺○悠○然○關○情○何○處○琵琶○別○船○

百眼泉

陽城縣東廿里其泉鼎沸百眼爭勝

百○竅○沸○一○鏡○開○豈○乏○天○心○合○休○教○肉○眼○猜○

百口橋

漢顧訓家百口五世同居鄉人效之共議近宅造此橋以彰孝義

公○藝○家○風○康○成○

有鄭公鄉鄉○味○鯨○脊○猶○存○豕○心○應○媿○

半坐巖

上杭紫金山石如龕，跌踞其中，聽流水聲如玉佩，有黃苔如粉，可調繪。

敲金坐隱。夏王談禪人，樂其半天，繪其全。

降睡石

侯官縣東峯，一名坐禪石，勁若笋峙，微觸即動。

喚醒蝶夢，打破狐禪，靜能生動，頑亦參玄。

德潤泉

岐山周公廟有泉，治則流，亂則竭。唐安史之亂，竭至大中復流。

孰動天，其流為應地。孰潤身，其流為卜世。

善謔驛

齊使髡獻鵠於楚，放之曰：臣飲鵠飛去，欲死又恐王以禽故殺士，代之又欺也。

不為虐兮，皇華競傳不遑處兮，王事誰憐。

長命洲

潤州梁武放生處魏使李諧來聘問曰彼國亦放生否諧曰不取亦不放帝慚

君知請命民豈為魚與拯釜底曷念窮廬

舍身崖

泰山日觀峯下三面絕壁中石凸起丈許愚人往舍身投崖何起鳴改愛身臺

貪生可強輕生可惜王法不如因果之說

長嘯堂

范蜀公居許作每宴茶蘼架下花墮酒中飲一大白名飛英會

倚闌嘯月飛英弄尊一韓醉白一范醉孫

嘯孫登善

奧祝泉

芮城北魏文侯自安邑率兵至此渴甚默祝以鞭指示乃得泉

一鞭指一泉濟人力難強求天心可默契

孝感泉

豐城宋少卿曹戩寓此其母喜茗飲無井戩齋視鑒地及尺而泉湧

天人孚源流併母已作丹丘子豈窺胥井

丹丘僊皆茶

文雅臺

歸德孔子習禮樹下處梁孝王時鄒陽司馬相如輩唱和於此

登臺論文伐檀削跡唱和千年古今一席

墮淚碑

峴山爲牟祐建徐盈守淮碑亦名此

叔子已逝誰其嗣之殘碑風雨續淚千絲

梳洗河

源出泰山黃峴嶺諸水匯爲中溪過王母池池上有王母梳粧樓東入汶水

波溶妝鏡荇點花鈿一彎新月掠鬢年年

試心石

在泰山僊橋石西二石鈎連懸巖萬仞人登踐之即搖動心誠即無動

飛則靈者點則頑者請嘗試之不可轉也

縮頭湖

興化宋張榮率義軍擊敗金將於此改名得勝

漁歌聲揚。饒歌聲戢。引領當年。改觀此日。

孝烈橋

安仁謝枋得女早寡聞父母死節悉出奩貲作橋橋成投水死

弔故國墟。蹈亡親轍。閨閣清風。河梁皎月。

雌雄泉

梁山縣多喜山有二泉名浴丹泉春夏左盈右竭秋冬左竭右盈

左右宜。陰陽適。盈虛可悟。真剝復。堪占易。

獨樂園

洛陽司馬光建

桃李門栽烟雲心賞衆人皆醉君子不黨

胯下橋

淮安韓信受辱處

辱何傷材難料非王孫可哀乃孺子可教

灌頂石

昌平金世宗賜毬於此曰惜無人見須
史泉石皆起帝以酪灌其頂迄今猶白

一時蹴鞠千載醍醐人忘獻替石註起居

洗腸井

僧曇猷度石梁欲止有神僧曰師孕時
有腥淨身十年方可還赤城封腹洗腸

抽石梁梯渡銀牀復步拔絮塵傳濯筋鉢

鳴井 在宛丘東以物投下聲應如鐘

應如響。理難道。豈不得其平。抑投以所好。

忻口

忻州北漢高出平城之圍還師次此六軍忻然

圖已解。志成城。虎賁三千悅。龍從一代真。

恨斯水

代州源出殺子谷水聲呼李斯故後人名之以志恨

流。寫千峯。怨聲傳萬木。悲逝者如斯夫。噫。恨聲

喝水巖

福州鼓山上五代時僧神晏誦經惡水聲喧叱之遂西流

石能悟點水。可逆流。經聲棒喝。若箇回頭。

惆悵溪

天台傳僊子送劉阮溪邊惆悵而別

乘○鷺○別○鶴○流○水○行○雲○莫○將○僊○遇○錯○認○凡○姻○

歡悅山

交城西北山勢聳立昔隱者登此東觀并州西視黃河左顧右盼懷抱豁然

山○可○觀○相○得○而○益○歡○人○可○藏○相○得○而○益○彰○

赤心石

唐時有獲洛水白石赤文獻執政曰赤心李昭德曰此石赤心餘石豈盡反耶

石○輸○赤○洛○獻○琛○縱○難○賡○一○德○亦○可○愧○貳○心○

烏脚溪

涉之者足如墨

污○不○染○問○誰○能○難○免○鐵○脚○道○除○非○白○足○僧○

和合石

武岡州東二石相合高二丈上有秦盧生侯生二僊跡存焉

映○日○如○二○僊○之○畱○影○根○雲○實○一○氣○之○流○行○

信立山

鬱林州牢石坡上有夾石如鐘側立每歲秋日鄉人共候此石若雲覆歲必稔

卜○歲○登○驗○雲○集○食○乃○民○之○天○民○無○信○不○立○

廉石

漢陸績守鬱林歸舟空恐覆載一石鎮至吳棄婁門明樊柱史移置院側覆亭題之

載○以○舟○廉○吏○有○遺○事○覆○以○亭○懦○夫○有○立○志○

迷樓

楊州府治西北隋煬帝建幸之日若使真僊遊此亦自當迷

瓊○花○杏○楊○花○迷○荒○煙○飽○野○竹○翠○鈿○拾○春○犁○

清嘯樓

劉琨在晉陽爲敵騎重圍乃乘月登樓清嘯賊聞皆悽然長歎棄去

聽鸞嘯動騎悲樓高百尺爽口解十重圍

手譚池

日本東三萬里島有凝露臺臺上有此池池中有玉棋子不由制度黑白分明

歎棋局設天涯但聽敲松子誰與落燈花

問政山

徽州唐時于方外棄官學僊弟德晦刺歙州方外訪之爲築室因名產大筍

行藏異丘壑均鵲鵲悲聚散鷗鷺語寒溫

喚渡亭

建昌白居易謫江州司馬過此喚渡黃庭堅因以名亭有碑

江州白培州黃感慨同遷客詩歌記道旁

惶恐灘

文文山詩惶恐灘頭說惶恐零丁洋裏歎零丁萬安縣十八灘自此始

貞如石○清如水○恥何起○無恥之恥○無恥矣○

龍鍾石

漢武時陽關外花牛潭得異石長十丈高三丈立於望僊宮

望渺渺○立巍巍○石還疑○有病民○豈竟○忘疲○

啞泉

在滇南關索嶺之半泉上覆以石碣

碣○垂○後○石○掩○前○皂○囊○多○結○舌○試○問○飲○何○泉○

笑城

安陸宋將畢再遇與金戰夜遁惟繫牛擊鼓金兵覺追不及爲之大笑

一○笑○能○傾○城○城○空○何○一○笑○兵○貴○神○敵○難○料○

慨口

江西海昏水東出豫章名此因漢昌邑王廢封此每乘流東望而憤慨也

人已昏○悔何及○萬事付東流○千秋貽口實○

歎步

楚鸚鵡洲南有山名此

天步何艱○人情何判○鸚鵡一篇○古今三歎○

神武泉

今上西巡還五臺有虎親射殺之賜名射虎川忽有泉湧地清井不竭因名

地○畱○其○澤○乃○聖○乃○神○虎○奪○其○魄○乃○武○乃○文○

愁思岡

彰德陳思王不爲魏帝所容登岡輒悲吟思王有七寶駝蹄羹一杯費千金

一丘愁○八斗安在哉○七寶倏一杯○安在哉○

清廉山

垣曲縣清河水上出此

水皎皎石癯癯。相看兩不愧。抽簪可卜居。

仁義石

建陽縣西二石對立里人名左曰仁右曰義歲時祀之

由仁義行應左右均石無二理人各一心。

覆手山

應山縣東一峯五澗望如覆手

雲雨幻反覆。曾願爾展霹靂。恐爾效模稜。

折腰山

垣曲縣山有銅冶

視爾形心已晰。凜茲三命恭。愧彼五斗折。

味諫軒

在叙州治北黃庭堅過蔡次律家飲小軒外植餘甘子數株卽諫果

苦有餘甘不足有味乎其言常醒乎其目

悟道泉

在太湖翠峯雪竇演法時天水懷禪師願及水供衆久趺化桶湧白蓮

法無門蓮無塵一空天水至今存月印心

托夢石

金陵有三大石守吳仲庶夢三舉子求祐曉視牒申燒三石供修造灰免之

夢非幻石猶存要知火化魄安得土歸魂

商量石

在鉛山縣東山頂兩石相對中一石方如棊枰宛然兩人對弈故名

如談手已忘年千秋長晤對一著不爭先

換骨膠

唐憲宗以李花釀此賜裴度

青縹

名李

入夢綠野開尊脫胎竹葉遙指杏村

嘔甕酒

以飯拌藥封甕中俟其自熟飲飲以小竹筒插甕吸之吸乾加水飲至無味止

如鯨吸如管窺嗤甕鼻免攢眉不醉無歸

鼻飲杯

邕州人習鼻飲有陶器無杯盃旁植一小管若餅觥以鼻吸漿

管可克杯鼻亦代口遇隆準公一飲八斗

解語杯

陶九成輟耕錄云七月九飲夏氏酒荷中置小金卮命姬捧行韻過碧筒

愛○君○子○花○執○美○人○手○嬌○比○玉○奴○香○生○紅○友○

玉奴謂解語花

國腹

琵琶也。魏子騫會鄉人於幔亭，命呂荷香

奏響雲亭感懷鄉曲無怪青衫離愁滿腹

人籟

簫也。文簫駕彩鸞。簫名參差，吹有折柳曲。

鳳已跨去鸞不乘來參差折柳相對落梅

笛曲有梅花落

喚鐵

高休隱太白山有白雲亭客至則擊片鐵聲清遠鳥獸聞之羣集以為翫

鶴翔孤阜禽喚空亭片雲留白片鐵留青

戲燭

寧王夜集有此似蠟非蠟似脂非脂每酣狂則昏翳否則大明為妖燭

暗刺酒荒明譏火滅燭影未寒戲場先撤

屈膝屏

石季倫作金鈕衣白縑畫義士僊人禽獸高施八尺下施四尺或六尺隨意焉

豈解屈伸反多掩飾竊笑從心竟無容膝

香肌席

燕帖木兒設樓牀廣褥擇美姬溫軟者枕石而睡名此

香滿花牀滿月夢去欲行雲醒來還卧雪

有滿花席

穿角履

後魏王遵業為黃門郎從容恬素常著穿角履好事者毀新學之

其素而行何履之錯圭角不修徒勞穿鑿

花腔鼓

出臨桂職由鄉其土特宜鼓腔作窰燒之油畫花紋

離故土學油腔戀火宅醉花鄉斷送冰霜

神臂弓

熙寧時張若水造卽弩通長四尺五寸餘射二百四十餘步

其無後乎始作俑者故擇術不可不慎也

打魔香

出滿刺加國樹脂墮地成遇火卽燃國人當燈塗舟水不入瑩若金箔

火不滅水不入傳燈既有方降魔豈無術

助情香

明皇寵妃子含香一粒助情不倦乃祿山所進

淡濃舌底消息被窩關情暗麝貽笑明駝

夜酣香

迷樓所焚

鳴睡方濃蟻浮未艾臣欲含香君歌旣醉

乳頭香

曹務光理趙州用盆香云財易得佛難求

剥膚虐民燒乳佞佛人可勝天得不償失

意可香

初名宜愛山谷以有脂粉氣改此

以其所可易其所愛意中可人物中可意

鐵面香

俗名牙香以面有黑爛色者為鐵面純白不焙者為生香更珍

郎官舌結柱史名揚堪貽荀令羞近何郎

返魂香

徐肇遇蘇德哥自言有此香烟直上可見先靈

夢魂杳風木傷先靈如可覲後裔必須藏

畫眉石

出宛平。廣東始興產石墨，可畫眉，亦名此。

石言于冀，號國無脂粉氣，京兆無鬚眉氣。

却病珠

名雲澤，西王母獻穆王，病心則東向，舍肝北，腎西，脾南，肺向地，應時而愈。

一願獻五臟安，與能驅二豎，盍教煉九還。

如意珠

名金剛堅，出摩竭大魚腦中，一切寶物，隨意皆得，大如雞卵，明如滿月。

老胡腹中老僧袖中，誌公七何如掌中盡入，寶如意殼中。

記事珠

張說有珠，紺色，事有遺忘，玩之心神開悟。

弄之掌股，開我胸次，徒室忘妻，嫌君多事。

力珠

如龍眼大、含之多力、劉累得一於寧封、能伏虎豹蛟龍、

光○豈○探○領○力○可○射○石○得○一○寧○封○勝○百○鳥○獲○

一作

悲栗

名笳管、以竹為管、蘆為首、九竅皆角音、本龜茲樂、德宗時尉遲青善此、

一○青○技○擅○九○竅○音○嘉○豈○忘○戰○栗○猶○動○悲○笳○

義髻

太真以假鬢為首飾、又好服黃裙、謠曰、義髻拋河裏、黃裙逐水流、

螺○羸○髻○祝○蚪○蚪○裙○拖○青○蚨○視○履○白○雉○經○羅○

膽餅

形如膽、懸壁插花、

一○枝○借○棲○渾○身○是○膽○勝○占○景○盤○笑○移○春○檻○

胎髮筆

宋時有此

長史握髮中書脫胎小子有造老大持悲

人面硯

萬石之君一尺之面誰其似之桑家之翰

硯名萬石君

倒惹氣

琉璃葫蘆可吹响者

自公顛倒由我呼吸笑依樣畫非待價沽

般若眼

曇瞿持一錫杖云奉之可以得道人或藏其杖閉目大哭

有錫可卓無錫可哭生能見性死亦瞋目

唾壺

莫藏污。寧擊節。獨不聞王敦之歌。悲伏櫪。

乳鉢

穰城老人二百四十。但飲曾孫婦乳。

問越人孰傳鉢。穰老得其神。倉公得其骨。

養和

李泌常取松楸枝以隱背。後得如龍形者。

木養功深。太和形見。白衣龍從。黃衣虎變。

長嘯

鐘名。又名粲谷。

發彼鯨音。叶茲虎嘯。試問孫登孰臻其妙。

照身鏡

扶南碧玻璃鏡廣一尺半重四十觔內外皎潔向明視之不見其質

詩曰對面似藏冰玉內翻身跳出影泡中

多目鏡

八角內七八突起如棋子照則每突見一面王逸守光州廣耳目號千里眼

隻眼好多何益笑王逸之千里徒滋恐嚇

照心鏡

秦鏡方廣四尺照見五臟知病之所在心作膽官人有邪者照之心動

視疾知源洞邪如燭恐照舞鸞不照指鹿

辟瘧鏡

吳縣陳氏一鏡九寸患瘧者執照見背有蓬首鰲面鬼去即愈分剖不驗

鬼可憎俗難醫杜詩如肯讀陳鏡不須持

瘧杜詩愈

舞鏡

有柄、漢武時舞人所執也、

似○拋○毬○鄰○執○籥○影○裏○看○迴○鸞○掌○中○防○飛○鵲○

眼石

蕭餘于宣陽里酒盤下得一美石如人眼、置掌中遊暗處光明三尺後雨飛去

視○人○心○轉○笑○人○手○長○寧○入○於○無○何○有○之○鄉○

等身書

賈黃中幼聰悟五歲父珖每旦令正立展書卷比之課其誦讀、

三○尺○之○童○十○行○之○目○欲○正○其○身○先○課○其○讀○

敢諫鼓

堯時有此

有○父○擊○壤○有○夔○拊○石○聲○教○已○敷○芻○蕘○猶○擇○

輕影錢

漢武升望月臺、三青鴨化三童、各執鯨文大錢五枚、

鳬影難追。鮫文安辨。母怪蚨飛。漸開鵝眼。

萬眼羅

吳中燈名、以碎羅紅白相間砌成、工妙天下、

殊奪乎天工。轉眼空殊損乎民力。滿街泣。

醉輿

庚申王每醉命宮奴將錦綵結一兜子、擡歸寢室、

闌華胥路。登堦率宮抱琴。有意投轄。無從。

驚閨

磨鏡手持响鐵也、

金聲亭北。妾夢遼西。恐驚鸞舞。莫效鶯啼。

滅癥玉

王莽有此取玉槌碎塗癥卽滅

圭玷可磨人玷難飾與爲去疵何如比德

隨年杖

劉銖刑酷有過者問年隨數杖之每杖一人必兩杖名合歡杖

以肉鼓吹作合歡器相戒耆年毋逢酷吏

靈壽杖

九真靈壽木似竹有枝節長不過八九尺天然合制

天然子皤然翁名爲偃僂丈字作逍遙公

髑髏劍

子胥賜此曰樹吾墓槨可材也吳其亡乎後越亦以此劍賜文種死

種賜越胥賜吳此豈酬庸物何因若合符

照膽

武丁以戊午鑄一劍銘日照膽太甲以甲子鑄劍文曰定光

重離繼照

于湯有光太阿在手膽落鬼方

轉魂

越王劍也以之指月蟾兔為之倒轉

指魚腸奪兔魄誰謂此一輪尚須營三窟

乾坤髓

硃砂也安心補腎去邪

其易之門惡紫之奪三洗功成九還胎脫

孝順抓

搔背抓也。公宗背癢羅公遠折竹枝變如意進

痛癢關娛老巧傳得羅公枝又望麻姑爪

片腦

樹如杉檜取必齋沐成片如梅花者佳

生○摘○龍○鱗○活○剥○鳳○腦○一○片○冰○肝○梅○花○同○老○

薛骨

蜀紙名○薛收昆仲號河東三鳳

烏○孫○玉○質○楮○國○冰○容○觀○濤○西○蜀○吐○鳳○河○東○

開襟酒

蜀以醑醑花竹葉竹蜜貯筠管中合釀之十餘日開香聞一室味極美

邀○韻○友○醑○闌○醉○鄉○乾○坤○袖○裏○大○今○古○甕○中○長○

捉迷藏

公宗與太真月下裹目捉迷妃子服上多結香囊上屢捉屢失得囊呼此

羅○襪○飄○塵○香○囊○載○路○捉○死○替○生○迷○而○不○悟○

聖鐵

至元中杭張存于番中獲此厚廣二寸驗於口刃不能傷試羊驗

口○中○含○軍○中○使○鐵○中○有○聖○人○金○中○無○君○子○

嬾架

曹公作欹架卧視書此卽其制也

俯○仰○在○是○寤○寐○不○忘○請○遺○甯○越○

古○苦○學○者○莫○贈○嵇○康○嬾癖

口脂

臙脂也

樊○家○物○號○國○粧○入○宮○朝○淡○掃○私○語○夜○深○香○

面衣

前後用紫羅爲幅下爲雜色四帶垂背女遠行乘馬用之

閨○中○秀○馬○上○裝○縱○有○凌○風○致○還○深○行○露○防○

護膝

此腰不折此膝不屈此志不移此物不必

喚頭

篋頭手中所持喚者

頻開市不驚閨入耳傳消息低頭聽指揮

戒指

古妃當御者以銀環進娠則以金環退進左退右今戒指其遺事也

左之右之宜家宜室戒之戒之在德在色

滑稽

酒榼也

白墮胸淳于面畱小蠻

酒榼

爲朋倩司馬作傳

醒酒石

李德裕平泉莊物以水沃之林木自然成文後爲監軍所得孫延古索之不與

千日傾萬竿塵泉還流未竭石已屬何人

隱形裘

梁時范顏到四明見犀牛捕之製皮作裘服之隱形

形可遁名不沽非負薪六月亦把釣五湖

睡車

小兒搖籃也以搖則睡

搖靡定睡偏舒今朝代襁褓他日效籃輿

乳鐘

卽景陽鐘也有一百八乳乳乳異聲在方山定林寺又有象皮鼓

聲聲異乳乳懸菩提子百八朝夕共參禪

繞指柔

古劍名、首尾可屈

如○電○繞○如○指○折○其○寓○剛○於○柔○亦○藏○伸○於○屈○

巧梳粧

以竹爲之、長三寸、上有齒、婦人用以梳假髮者、靈蛇、墮馬、皆髻名

靈○蛇○安○在○哉○巧○焉○施○墮○馬○今○已○矣○拙○何○辭○

卧褥爐

丁緩作爲機、環轉四周、而爐體常平、可置被褥、梁魚容以象齒沉檀爲牀

機○日○巧○香○風○靡○想○登○魚○容○牀○不○入○公○孫○被○

降魔鑑

武王伐紂、妲己化形上昇、太公用此照姐己、墜地、化九尾狐、命去皮屑肉

九尾少兩脚多

彦範號兩脚狐

易○照○粉○脂○孽○難○除○詩○酒○魔○

玉搔頭

武帝遇李夫人，就取玉簪搔頭，後宮人皆用此。

效○顰○有○意○續○夢○無○緣○玉○人○難○再○搔○首○問○天○

金蠟面

江右茶取乳作片。

澹○交○如○水○苦○口○斷○金○嗤○彼○笑○面○那○得○甘○心○

醒子

公案上醒頭也。

歎○公○門○莫○輕○陟○如○彼○兩○回○頭○皆○子○一○擊○力○

鼻烟

大寸餘以金銀爲之，狀若酒釐，內裝藥，熏鼻卽噴，縉紳藏之衣帶間爲戲。

置○衣○帶○間○非○煙○霞○物○作○遊○戲○觀○無○臭○味○實○

放光松

鄞縣阿育王寺內高三丈枝四面覆地如帟廣一畝宋時曾放光今仍蔥鬱

籠○日○奇○姿○拏○雲○老○手○拔○絮○餘○輝○空○桑○勝○友○

悟道松

葛洪至東天目山坐松頂上名此

鳬○舄○已○飛○龍○鱗○還○伏○誰○其○攀○額○天○將○拭○目○

敬松

似松而葉圓大○丁固夢松生腹上

事○其○大○夫○從○其○大○體○善○與○人○交○腹○中○夢○裏○

義松

南昌翊真觀有二松相去五尺合爲一幹

骨○雖○傲○誼○偏○親○把○臂○談○黃○石○掀○額○嘯○白○雲○

摩頂松

公裝法師西去取經手摩靈巖寺松曰吾西去向西歸即東向果如言

東西引領旦夕凝眸如其化石應解點頭

迎送松

徽黃山小心坡根緣石罅無土枝葉交接與遊人對若揖讓

擁篲風前揮塵月上不意巖阿猶存揖讓

靈楸

在猗氏文廟年不可攷每科年結角如觔驗其數以占鄉會輒應

泮芹思樂韓木

亦占科目兆鄰關情杏放著意桂馨

矮槐

臨淄郵亭有古槐十株高五尺許宋藝祖微時過此常挂袍

連袂成陰俯首不作曾盼潛龍不招過鶴

佛眼竹

名人面竹節密而突宛如人面采可作杖

是○法○慧○眼○無○人○我○相○大○節○不○疎○此○君○可○仗○

白眉竹

產羅定又有白眼竹

風○淡○掃○月○初○垂○未○青○大○阮○眼○先○白○季○常○眉○

含孕竹

大如指閩人編籬六月生

托○胎○南○服○寄○跡○東○籬○莫○教○弄○瓦○同○笑○湘○妃○

竹名

扶老竹

出邛崃山中實節高可爲杖

世○人○愛○少○君○子○愛○老○以○引○以○翼○爲○範○爲○表○

癭竹

東洛近溪忽有竹生癭大如李。杜預頸有癭伐吳勢如破竹。

此贅癭亦不俗不見杜將軍破吳如破竹。

筋竹

南方以為矛刃。筍未成竹堪為弩絃。

象曰煮鎧食筋吁君子以除戎器戒不虞。

涕竹

出南荒長數百尺圍三丈厚八九寸可為船。筍美可療瘡癘。童子寺竹日報平安。

童子平安方兄無恙共濟同舟何勞惆悵。

義竹

太液池岸竹數十叢牙筍未嘗離帝謂諸王曰人懷二心離間者觀此可鑒。

天潢一派人愧二心漢庭竹鑒田氏荆箴。

孤竹

筑陽薤山有孤竹、三年生一筍、筍成代謝、武王時孤竹人獻筍、一株可爲舟。

居不俗○德不孤○悲登山○採蕨歎浮海○乘桴

事竹

出南雄、可練爲麻。

東門不績○南國憂深○此君何事○試問主人○

孝竹

漢章帝三年生、白虎殿前、名此、羣臣獻頌、

君徵祥○臣作頌○對月伴啼烏○迎風欣舞鳳○

媚竹

漢中郡出、厚裏而長節、根深、筍冬生地中、人掘取食之、魏徵有十思疏、帝謂嫵媚、

直節乎○嫵媚矣○比魏之十思○笑楊之九尾○

再思號九尾狐

思摩竹

如竹大而筍生在節筍既成竹而節復生筍產交廣

籜交鎖節連環龍鬚思墮地鳳尾欲摩天

竹有龍鬚鳳尾

人面桃

出南海樹似含桃子如桃梅核兩邊如人面春花夏實秋熟可蜜煎名孩兒桃

未和白雪先映紅粧曾題崔護不盼劉郎

人面豆

黃色鬚額眉目如生見宋牧仲筠廊偶筆

煎泣金中疾首蹙額菜色堪憐人容足惜

人首木

大食西南國有樹化生人首如花不解語人問之則笑頓笑輒落

色色是空頭頭是道傾國傾城無言之告

壽榮草

出小室金山服之不老可通百神

仁○則○榮○鈍○者○壽○一○莖○兼○有○百○靈○通○百○祿○祐○

鈞笑草

似蘇初生可食

臨○風○賣○笑○泣○露○含○愁○採○思○供○七○戲○不○藏○鈞○

聞遐草

出背明國香如桂莖如蘭服者耳聰

四○聰○允○達○九○畹○升○聞○萋○菲○不○入○薑○桂○同○羣○

含消梨

大可五升落地則碎

剖○漢○苑○果○勝○楚○江○萍○消○題○橋○渴○作○釘○座○珍○

握核棗

嶗嵎山細棗萬年一實如軟棗昨之有膏膏可煑燈王母握核以獻帝

安期種杏王母核傳握圖御宇天子萬年

思鄉棗

幽州刺史李宣尚范陽公主主憶長安築城望之中有棗花不結皆西向

其桑其梓望不可即李結同心棗思報德

影木

產瀛州晝視一葉百影夜視花如列星萬年一實如瓜食之骨輕羣仙以避風雨

花容星列葉影風移思跨鶴背難待瓜期

壽柴

鎖陽也

裘披可賣柯爛何傷引年之效足並昌陽

類鼻

葉如天名精根美治痿痺。易艮爲鼻。

成○乎○艮○出○乎○類○佐○使○乎○岐○黃○相○投○乎○臭○味○

巨骨

漫疏也。生熊耳山。樹高丈許。皮白子赤。兩相並有刺。防風氏骨如專車。

採熊耳山得專車骨爲笑防風空埋荆棘

志取

沙參也。叢生岸壁。葉似杞根如葵。名苦心。

苦其心志樂我泉石智可學葵操猶師櫟

威喜

茯苓萬歲其上生水似蓮花名威喜芝夜視有光燒之不爇帶之辟兵服之長壽。

光○搖○豹○髓○氣○靖○狼○烟○威○加○四○海○喜○起○萬○年○

三才圖會 卷之八 木部 樹木 三

湖目 蓮子也一云紺珠蓮

湖○出○書○鷗○展○讀○花○爲○綱○子○爲○目○珠○聯○絲○續○

土齒 生山陵狀如馬牙食可長年

從○來○大○椿○必○由○厚○載○馬○齒○加○長○燕○胎○
芝作配

嬰舌 燕蕁也名山葡萄藤名木龍葉與花實皆
似葡萄而細酸亦堪爲酒六月食蕁卽此

乳○可○釀○珠○可○銜○寧○小○兒○饒○舌○莫○太○守○垂○涎○

女臂 瓜名

執○女○手○坐○花○陰○未○解○長○卿○渴○恐○動○故○侯○心○

白背

根似紫葳、葉如燕盧、治瘡疥。孟靈休嗜瘡癩、

痛癢心。紫白類孟郎。結同心。野人思獻背。

蒼耳

蒼耳也。名喝起草實多刺。李白墮蒼耳林中、

實有棘心。以耳爲目。無怪青蓮林中失足。

烈節草

生榮州、莖苗俱似丁公藤、而纖細無花實、九月採莖作浴隹、

以荏苒質。冒忠義名。多識草木。可以事君。

情深樹

李白詩、腸斷枝上猿、淚深花下草。紅豆名相思子、以妻哭夫死此樹下故也、

情所種。見猶憐。吟風悲紅豆。泣露憶青蓮。

石髮

水苔也南人作紙名陟釐爲脯堪啗令人

克鳩舌

腸師魚卵

紙名

策豈慕髮顛頓忘石癖

地髓

地黃也水試浮者名天黃半浮沉者名人黃沉者名地黃

三才作配三白忌親黃壚不朽紫氣常新

隱忍

薺苋苗也根似人參葉似杏又名杏參飲汁治蠱

荼苦心堅薺井思縱蠱惑既深百忍難諷

蔞音

守氣

蔞草也生水田中葉似燕麥子如彫胡可食

則苗淳然助之長者無若宋人若孟施舍

童腸

牡蒙也。葉似牟蹄，紫花青穗，通竅利便，止渴益精，名馬行。

維其天全，是以腸直。我求童蒙，果行育德。

益智

葉如蘘荷，莖如竹筍，萼子叢生如棗，農人驗實之熟否，以候豐歉，出合浦。

樸以日鑿，穰豈難占。與驗事後，盍定幾先。

諫果

橄欖也，名青果，味苦回甘。王元之比之忠言逆耳。

選青之材，調鹽之手。苦口之甘，逆耳之受。

納鹽則子盡落。

夢花

產綏寧，莖如藤，花黃白，蘂條甚細，有夢失記者，紐之即悟。

蕉葉何求，槐柯安獵。堪歎蜉蝣，還尋蝴蝶。

睡梅

見來安公署相傳宋植兀如人睡會稽城外甘里有卧梅唐時物號梅龍

收○放○鶴○蹤○效○螫○龍○跡○只○恐○夢○酣○驪○珠○被○摘○

睡蓮

生南海葉似荇而大沈水面花布葉數重五色夏開夜入水底晝復出

眠○柳○同○心○文○禽○交○頸○尋○夢○鐵○泮○輕○看○玉○井○

補陀有鐵蓮泮

醉果

木名樹寶出海外氣味絕香食之醉七日始醒搗煮尾石成珍

中○山○別○調○外○海○殊○珍○鹿○車○爭○擲○大○快○伯○倫○

邪蒿

邪峙授經太子厨進邪蒿邪曰此菜有不正之名非殿下所宜食帝聞嘉之

筆○既○可○諫○蒿○亦○可○爭○吾○君○之○子○見○聖○於○羹○

人肝藤

嶺南蔓生、葉三桠、花紫、治風痺、名承露僊、

鐵幹搜風金莖挹露僊掌思擎盜跖不妬

鬼膊藤

生江南林澗中、葉如梨子、如楂、浸酒去風、

附木遊魂驅風正氣問誰折肱借爾助臂

諾藤

斷莖汁飲治體傷、沐則長髮、枝插即生、根不死、即姜撫所稱長春藤、服之長生不驗、

沐髮材堪常春名作是以養生必謹然諾

肥藤

甘露藤也、生嶺南、蔓如筋、服者肥、

露可挹蔓母滋我美吟詩瘦爾豈食言肥

淚作律胡桐淚樹似楊桐、脂淪入土石、狀如黃礬、極鹵

葉驚秋塞魄墮南金幾行熱淚一片冰心

茆質汗草生信州、葉青花白、治風熱。茆萼菜名、又質汗木名、煎藥可接骨。

思鱸尊標節幹分得一杯羹不透重裘汗

折腰菱出蘇州、兩角白、樂天攜歸種家池。屈到嗜菱、命祭必用之。

在彼中央非關五斗白羹歸來屈悲去後

接慮李麥李也、細實有溝道、與麥同熟。

接黃雲瞻紫氣豈是打麥翁名亦解指李意

擘李

陶丘有此熟則自裂又有離核李

食已過半鑽亦烏容擬齊巨擘笑晉安豐

扶桑

在碧海中長數千丈大二十圍根偶倚生
仙食甚體作金色九千歲一熟十日所浴

曾借烏棲不供蠶食扶杖往觀夸父復出

百乳草

形如瓦松無花根能通乳名百藥元
德秀乳姪

宜男否叔作猶子母利女否舅飲曾孫婦

穰老飲乳

大腹子

向陽者為檳榔向陰者為大腹名豬檳
榔大而味澁

惜一寸陰飽五車腹盍效郝隆對日而曝

返魂樹

生神鳥山、類楓、香聞百里、扣之聲如牛吼、煎汁成丸、可返魂、秦時鳥銜拯枉、

枝銜神鳥、枉拯秦民、楓宸有道、不用追魂、

護駕松

燕香山來、青軒為金、章宗祭星臺、其西南道上、章宗經此、有松密覆、

鑿輿出魚甲

松名、環得毋效、漢武之呼嵩者三、

坐拏草

六月開紫花、結實壯、筋骨治打傷、

有俾勁骨、無碍趨炎、半臂可借、雙趺何嫌、

含笑花

產廣花、如蘭、開不滿、若含笑、隨開即凋、不畏冬、

蘭佩輕飄、櫻唇乍啓、何事傾城、春風射雉、

懷夢草

山鍾火山似蒲色紅畫縮入地夜半抽萌武帝思李夫人朔獻懷之入夢

出火入土求鳳引鳳女子善懷癡人說夢

思儼木

生兩江州洞堅實漬鹽水中百年不腐

跳盡春風思歸洞口天地戲場榮枯木偶

杖一作醒心杖

遠志也苗名小草謝安云處則爲遠志出則爲小草孔子枕中方用此

醉醒知出處審聆東山片言羨北窓一枕

約腹壺

卽藥葫蘆以腹有約束也

約束者誰與曰長桑出沒者誰與曰長房

塔骨子

出桂林，扁如大橘，皮裏虛空。○費僊橘皮畫鶴。

骨不立。腹不盈。慚無鶴。弄術空想鴈。題名。

都念子

嶺南獻。煬帝植西苑百株。葉如白楊。花似蜀葵。子如軟柿。食必捻蒂。名倒捻子。

植念根深。食思蒂固。莫伴堤楊。隨風舞絮。

長腰杭

產江南。稻之粘者。

十畝常閒。五斗不折。飽惡侏儒。飢憐楚闕。

翻形稻

出背明國。食者死而更生。天者有壽。又有清腸稻。食一粒。歷年不飢。

一粒顰牙。

名米。千年鶴髮。持狹望奢。滑稽笑絕。

勒馬看

稻名、產鄞縣、

民○曰○迎○貓○軍○曰○秣○馬○淚○灑○風○前○汗○滴○禾○下○

忽地笑

鬼燈毬也、有紅白黃三種、俗名紅姑娘、

紅○邪○白○邪○

三月生、先花後葉、
耶○突○如○來○如○傾○城○傾○國○人○歟○鬼○歟○

劄耳草

治氣聾、社酒能治聾、

東皇草詔○劄付社公○權當春酒○畱治佯聾○

護生草

齊也、釋家取其莖作挑燈杖、可辟蚊蛾、
謂其能護生也、語錄憐蛾不點燈、

命○可○惜○草○安○憑○既○有○憐○蛾○意○何○如○不○點○燈○

癩漢指頭

密屈律也，樹多枝而曲，名雞距子，卽金鉤木。

其木之枝。斯人之疾。重。豈。鈎。金。棄。亦。雞。肋。

孩兒肱膊

韭種之粗大者，延緩呼此不可食。庾杲之食惟三韭，任昉戲之。

小兒謠曰。庾郎來難助臂。麻叔來堪避地。

麻叔食小兒

癩擡頭

鶯栗之小而千葉者，延緩呼此。江南呼虞美人滿園春。

滿園春色。一派鶯聲。美人睡起搔首。效顰。

疥拍腹

草名，能輕身療痺。鮮卑傳邊陲之患，如手足之疥。

鼓腹歌。輕舉快若何。拍掌呵邊陲。患若何。

續骨木

木蒴藿以功言也高丈許花葉類水芹輕虛無心枝插即生

效○雖○神○醫○難○際○一○木○可○從○心○三○公○無○折○臂○

露筋草

生施州高三尺春苗即花子碧色不凋止蜘蛛傷瘡高郵有貞女露筋祠

白○露○為○懷○青○霜○不○折○勵○貞○女○操○解○網○公○
也 蛛 孽

落娠娠

花葉似東風菜

未○固○蒂○驚○落○紅○多○因○愁○夜○雨○豈○敢○怨○東○風○

慈謀勒

茴香也如芹而辛香

謀○野○獲○調○鼎○投○知○耽○泮○水○樂○能○解○北○堂○憂○

倚待草

出桂州高三尺浸酒服逐病極速

籠中物○甕裏丹○漫作驚蛇想○還同倚馬看○

思維樹

如來坐背多樹下思維因名漢時道人持子種嵩峯四株一年四花香白

六○根○不○害○四○果○若○何○道○人○安○在○試○問○維○摩○

含胎花

卽豆蔻南人取其未大開者名此言年尚少而姪身也每藥心有兩瓣相並

同○心○未○結○花○信○先○催○豈○懷○熊○夢○不○藉○蜂○媒○

散沫花

大秦國移植南海高六尺柔條花白如粒夏開葉可染指甲花

趨○炎○爾○鄙○蹈○海○爾○願○與○爲○染○指○母○寧○唾○面○

相思子

嶺南紅豆也相傳妻哭夫死此樹下故名葉似槐莢似扁豆子紅黑半可飾首

生○作○江○南○曲○死○作○嶺○南○花○悲○別○鶴○恨○堆○鴉○

多感子

黃色圍一寸見交州記

體○爲○異○變○爲○咸○其○德○爲○中○色○其○占○爲○多○男○

夜叉頭

天中呼牽牛也櫻樹亦名此

昂○頭○瞞○月○叩○角○潛○坡○山○童○牧○鬼○岐○伯○降○魔○

金剛拳

北方肉杏甚佳赤大而扁

君○異○濟○人○歸○宗○示○我○借○不○壞○身○證○不○昧○果○

佛見笑

似薔薇名間問紅

鬪○傾○國○姿○惹○春○風○債○結○大○衆○歡○破○如○來○戒○

佛肚臍

卽金錢石菖蒲也。佛圖澄腹中拔絮出光。僧普寂種蒲成鸞鳳。

出蓮座○入蒲團○但能腹拔絮○不在手栽鸞○

交讓木

黃金山栴木、一年東榮西枯、一年西榮東枯、張華名此。

榮枯異○推讓新○恍然曰○黃金不多交○不深○

仁壽木

似栢而枝長柔軟、其華堪食、晉人爲介之推起思烟臺種此。

災木木榮○求仁仁得○一出火坑○千秋寒食○

仙人掌

草名、多於石上貼壁而生、如人掌形、不凋、漬酒治腸痔、

招石公。摩銅狄。醒拍洪崖肩。醉輔太倉翼。

芽兒拳

正二月採熟食、宋王磐野菜譜詩、芽兒拳、生樹邊、白如雪、軟似綿、

如雪如綿。飽腹飽拳。易子而食。試問誰憐。

端正樹

玄宗發馬嵬、至扶風、見石楠團團、愛玩久之、呼此蓋有所思也、楠名交讓木、

交讓悲。今沉香感。昔木解從繩。人胡碎壁。

風流樹

名曹舍、生施州覃氏、四時開百種花、子孫歌舞其下、花自落、若他姓歌舞、不落、

一家奕葉。百種爭妍。季真此日。張緒當年。

音聲樹

唐尚書省南門有古槐夜深有絲竹音省中即有入相者

夜不附鬼。晝不欺人。未調五味。先正八音。

醒醉草

生興慶池南。葉紫而香。醉者嗅之即醒。

伯倫何放。三閭何高。世多沈湎。誰獻芻蕘。

曹公爪

白石木也。枝曲名雞爪。又名梨棗樹。

曲類距味。難別想剥棗。療飢亦望梅。止渴。

老子筋

蔬品見青州志。詩坐聽皤鬚說豆棚。

聽皤鬚說。此天茁。助人力。遜鴟蹲。勝雞肋。

赤眼老母

香蘇也、方莖對節、似香蒿、名雀牀、

香不滅節不踈母還倚間望童亦繞牀呼

雀花童

赤心君子

棗也、梁武以棗投蕭琛、琛以栗上、曰陛下投臣以赤心、臣敢不報以戰栗

以棗投以栗報善戲謔今是非君子之道

分屍檜

杭人惡秦檜、在岳墓前、植檜一株、劈分根幹、上合下開、

民○行○直○道○木○作○官○刑○一○時○矯○詔○千○古○碎○身○

檜一作松

御愛檜

宋真宗寢殿側、古栢秀茂、名此以碍簷欲去之、一夕風雷轉摺其枝、

蟄龍知心飛龍括目天假風雷人推烏屋

蔓鬚花

治蟹毒。逸少數花鬚。

掀風笑零露。號未曾數坦腹。亦堪佐持螯。

勾鼻桃

栽石虎苑。一枚重二斤半。

啖餘何驕計。功何智包此禍。機得無酸鼻。

佛甲草

產筠州。多附石向陽生。似馬齒莧。花黃無實。四時皆有。治湯火瘡。

石上三生。火中三昧。一指宿根。四序咸備。

鬼目菜

孫皓時生黃耆家。長丈餘。莖廣四寸。厚三分。東觀案圖作芝草。以耆為侍芝郎。

天苗此徒。帝賚爾職。鬼不抑揄人。其樗櫟。

樗名鬼目。

見腫消

生筠州春苗莖紫高二尺葉似桑而光消腫

採宿痛○供伐髓○字○宙○盡○栽○培○古○今○乏○塊○壘○

骨碎補

石菴蘭也卽胡孫薑唐明以其主折傷奇效名此

君○碎○衣○臣○碎○首○補○袞○有○苦○心○補○天○有○辣○手○

五臟穀

李守愚侵晨井花水吞黑豆五七粒謂此至老不衰

五濁不滓○一元來復○吾謂吞其不如辟穀○

九面芋

大而不美○訓狐卽九頭鳥○共工臣相柳氏九首

蹲○鴟○芋也本○來○訓○狐○變○狀○九○首○共○臣○半○邊○宰○相○

西施夢

顧輝六詩淺碧微黃間紫茸宛如蝴蝶宿芳叢

怨○落○沉○舟○魂○飛○響○屨○美○殺○青○陵○雙○雙○蝴○蝶○

越王頭

椰子也昔林邑王與越王有怨刺其首懸於樹化此其漿如酒

翹○首○故○國○消○魂○醉○鄉○豈○果○含○笑○日○飲○天○漿○

掌中芥

出烏茶國葉如松子置掌中吹之而生一吹長一尺能空中孤立名躡空草

躡○足○天○空○吹○噓○人○齒○一○介○所○爭○十○手○所○指○

眼子菜

夏生水澤中青葉紫莖柔滑細長數尺可熟食

柔○枝○婉○變○翠○帶○輕○盈○秋○波○一○轉○不○憶○蓴○羹○

平慮草

賈菜也。孫皓時生吳平家。如枇杷。高四尺。莖廣五寸。案圖名此。以平為平慮郎。

地道呈祥。天心難契。君曰。含香臣曰。滌慮。

腹一 洞腹草

照魅草也。夜如金燈。照見鬼僊。甯封服此。腹光通外。塗足履水不沉。

可履冰。可照魅。圖澄未搜根。甯封先拔萃。

却睡草

名五味。初生甘。花時酸。武帝時多末國獻。食之使人眠。

卧薪或藉高枕。安須獨清。獨醒黑甜。何如。

相憐草

媚藥也。產南丹山中。或有所屬。密以草少許擲之。草必著身不脫。彼必相從。

媚蝶所憐。脂虎所恐。南國化行。必鋤其種。

輕身麥

出背明國、食者體輕、

麥打空聲○何年邂逅○我欲凌霄○清風兩袖○

重思稻

鄆都山出、米如楸子稍大、如菱、上獻僊宮、杜瓊作賦、

粒既粗○熟應早○胡不貢九重○反思獻三島○

養神芝

出瀛洲、死者以株草覆即活、葉似菰、長三四尺、始皇時有鳥銜此覆屍即活、

直許生回○豈徒老却○何用尋僊○求不死藥○

怕痒花

紫薇也、名高調客、傳舍人病腸痒失笑不止、

技痒心煩○調高和少○笑舍人腸○憶麻姑爪○

拜節蘭

色微紫、歲首開花、閩呼爲報春魁、又名弱脚、獨頭、

傷猗蘭操。思紉蘭潔。稽首瞻天。春王正月。

合婚槐

葉細而青綠者謂之槐、江東有樹與此相反名此

合歡可栽。合婚可卜。觀此省心。鑒彼反目。

指佞草

屈軼草也、堯時生、佞人入朝、則屈而指之、

慨古神莖。若或之使。是故惡夫。莫之敢指。

瘡子花

謹也、小兒弄之、惹病瘡、武后貶謹、汝陽王璿簪謹擊鼓不墮、號花奴、

牝雞不令。舐犢何辜。總教稚子。莫謔花奴。

長生樹

金華殿後浴室雙樹如車蓋不凋葉如掌秋花色白子赤世謂西王母樹

非沐日長非浴月久受茲介福于其王母

無患木

盧鬼木也可治鬼子百八粒可作念珠實可去垢名鬼見愁

不垢不淨不減不增不恐不怖不滅不生

無憂樹

女人觴之花方開華山陳希夷庵旁有此見可忘憂又名愛文花

快哉高枕不困酒魔後庭玉樹為歡幾何

有情樹

雌雄並種花如牡丹有男女陰形晝開夜合雌實如李男食雄實如桃女食

竊天香貪人樂寧報李投桃莫採蘭贈芍

不惑草

出符禺山草多條狀似葵而赤花黃實如嬰兒舌食之不惑

丹可輸蔓何傷如負譽兒癖請教先席嘗

長樂花

紫華也純紫耐久可歷冬而服舊生於蜀傳公作賦

詩曰半消杜宇聲中怨長吐傳公筆底花

望舒草

出扶支國色紅葉如蓮月出則舒月沒則卷近望如卷遠望如舒

出沒驚蛇卷舒視兔紅粉爭看玉環不妬

自儉草

元世祖思太祖創業艱難俾取所居之地青草一株置大內丹墀之前名此

克儉克勤爾昌爾熾草昧天開敢忘厥自

佛頭柑

產常德。○橘中有二龍叟對弈。

摩頂如來。○中心如剖。○不巢鵲。○雛豈隱龍叟。

鵲巢佛頂。

佛手柑

產閩。木似朱櫟。狀如手。有指長可尺餘。

分甘樂好。○景妍誰叅。○四果智了。○悟一指禪。

雙頭蓮

一名華萃。王者德至於地。則生。德剛則仰。德柔則俯。

六郎對面。○大士比肩。○恐憐燕燕。○不妬鸛鸛。

五願樹

柞木也。舜耕處有此。

大火不移。○薰風可作。○我願五絃。○長歌五柞。

壽潛 靈芝也、

得乾之初。錫疇之一。所以希夷。芝獨取其蟄。

渴稟 紫鉚樹也。葉大如盤。木如橘。鉚從葉上出。色赤黑。云蟻壤所成。

可承漿。難解渴。料棋叟談空。橘亦酒徒夢絕。蟻也。

壽樟 建昌李公懋入朝。高宗問樟公安否。奏以枝葉扶疎。歲歲獨秀。黃庭堅有記。

老成不問。老幹徒詢。卜年樹木。卜世樹人。

瞑菜 夏生池塘。葉類菰。根如藕。南海人食之好。睡名綽菜。

結南海緣。通西池。有碧好栽。瞌睡漢飽。趙魏老藕。

頭髮菜

產秦河西似亂髮浸以滾水拌以薑醋可口鹿角龍鬚皆海菜名

攀得龍鬚鬪得鹿角面壁頭陀出關拔削

笑靨花

細如豆一條千花望若堆雪無子可種

索笑春風凝粧冬雪美人無子其色稱絕

銷恨花

明皇目下葉桃花也玉飛得貴妃羅襪索觀者與百錢

東風歷亂解語寂寥玉飛羅襪此恨安銷

禿瘡花

通泉草也葉似地丁心抽一莖開花如雪摘下經年不稿根入地至泉

托根深期效速醫得眼前瘡不剜心頭肉

神靈瓜

大霍山下有洞臺司命君府也中有此食之心通至公

公○可○通○命○可○造○安○分○只○埋○錢○存○心○何○媚○竈○

雌雄梨

九僊殿銀井有二梨枝葉交結宮中呼此

渴○消○銀○井○枝○結○珠○宮○博○老○氏○守○拜○大○王○風○

和團子

楂子也名木桃乃木瓜之短小而昨澁者色微黃木瓜味酸得木正氣

此○木○之○正○氣○與○和○其○光○而○同○其○塵○者○有○異○

急性子

鳳僊花子也西門豹性急故佩韋以自緩

寧○作○河○東○鳳○勿○作○西○門○豹○忍○辱○僊○請○子○微○

剔牙松

名鼠尾松

甲鱗雖就唇齒何從為因剔蠹不愧攀龍

斷腸草

生黔根如商陸葉類蓼莖有節花紅子似樵食斷腸有夔人妻妒以此酖妾

惡草未捐人心不古欲絕啼猿先除脂虎

骨美

白薇也莖葉類柳秋紅花療昏睡名春草

香山春草秋柳章臺長思玉骨猶見花腮

威儀

委瑞草也王者禮備惜刑則威香生殿前

祥開五百香徧三千君非視芥臣豈蕞綿

漢記綿蕞習儀

老少年

鴈來紅類也頂先紅者名少年老

老當益壯葉可代花有奇必吐雖晚何嗟

白大壽

苦參也性寒石藏喜用熟藥名三斛

用一壺冰却三斛火苦口何功引年在我

鬢邊嬌

錦帶花也長蔓柔纖葉側如藻帶花開

束腰綽約顧影徘徊臨風整鬢對月畫眉

醉春容

牡丹名色似玉芙蓉

國色朝酣紫金對酌解語安存春光猶昨

蓬頭緋

同下皆芍藥名

首如飛蓬○婢子何故偷學○朱顏逢彼之怒○

試濃粧

緋多葉

而帝胡然焉○支奪得試問誰嫌○朝天號國○

轉身林檎

有六種蜜林檎水林檎金林檎操林檎花紅林檎一此誌公托胎林檎

頻婆化身○梵嬰托骨○智果未成○卯生不滅○

禽一名來

錦心繡口

菊也又名楊妃茜裙紅內紅外筒口金黃

曹囊滿寶軸○空不揮毫○亭北寧捧硯籬東○

佛頂菊

種、五六月開，花色微紅，又有秋開黃白二

西土稽顙東籬立願遙送白衣如來親見

佛指蕉

紅蕉也，名文殊蘭

鹿夢爭尋雞園滅度鄭人迷津文殊指路

舍身樹

見華嶽志

居高不危守株亦智問君何能置身若寄

耐驚菜

見歷城志

菜根齧定榮辱不生門敲夜半食肉者驚

延壽磨

生燕京。僊桂父嗜葵。

詩曰寧學延年思桂父莫教搔背想麻姑

虛心棗

樂陵棗也無核

核空兮脂豐兮空心兮雲母

竹名虛左兮安期棗大如瓜

同心梅

上林苑有此。梅有玉蝶粉蝶

鶴到呼朋蝶來通好處士雙雙上林應詔

同心梨

燉煌太守宋歆獻此

爽口吾宗和裏吾契釘座吾欽斷金吾利

同心李

齊武帝僊都苑植此同合歡杏。玉華李五千年一熟僊韓終常食之。

美僊都式相好安得餐玉華韓終同到老

合歡杏

得意看花追歡沽酒蝶可雙穿虎難獨守

合歡柑

唐明蓬萊宮得一枚與宰相分食令畫分柑圖又謂妃子曰此果似知人意

魚水同歡蓬萊分食人意可知天心難測

合歡菜

生番禺四葉相對夜合晝開

收子午氣滋田野味所以蛾眉不嫌犢鼻

合歡草

生魏明帝苑狀如蓍一株百莖晝則衆條扶疎夜則合爲一莖名神草

悲喜何常

離合之故看破蘋風不歌薤露

合歡瓜

遼太祖二年幽州進洪武五年旬容獻雙實並蒂蘇瓊守清河獻瓜懸梁

偶合爾何足異

蘇瓊梁上懸問誰能並蒂

合歡樹

名夜合葉能去垢至暮即合枝葉互結風來即解稽康植之可以蠲忿

夜月承歡

春風解釋忿未能蠲嬾先成癖

稽康嬾癖

合歡竹

九嶷山出筍獨莖生枝葉分爲兩梢柳州筍初生合歡成竹或三莖兩莖合

先不睽後不隔

是二女同居非兩賢相厄

井竹

卽淡竹也，殼薄。

鄰○我○井○淡○薄○栽○爾○近○書○窓○每○一○個○詩○一○章○

苦竹

長節實心，筍苦，可爲槍。

彌○實○其○心○彌○高○其○節○受○得○苦○辛○不○遭○磨○折○

貞桐

枝端抽條，條復旁對，分三層，花大如落蘇，色黃，一莖上有五六朶。琴名盧女。

花○簇○簇○影○娑○娑○不○求○盧○女○韻○長○懷○魯○女○歌○

見女貞木作歌

羞菜

安南蔓生水上，井美人以手指曰爾羞否，卽時憔悴，人去漸青如初。

世○多○顏○厚○爾○却○知○羞○不○驚○寵○辱○更○進○一○籌○

回頭黃

章丘巖山後有僊藏穀種於洞中數年出晒一次種地回頭即穗

徧地金轉盼獲僊種有宿根天工在掌握

瘦香嬌

丁香也侯寧極戲造藥名

楚腰待韓袖迎分香通夢蝶欲語答嬌鶯

白女腸

生深山谷中葉如藍實赤治腸癖心痛

如雲乎如雪否鄰娥欲效顰谷女思懸肘

大王眼

草蔓生每節有一葉圓如錢子如碧珠葉如慈姑俗呼牛眼珠

肉眼無珠春光易老執耳雄風傷心芳草

雛面還丹

人夢也。名百尺杵。同下五題。皆侯寧極戲集藥名。

百尺神芝。九還奇效。鶴髮千絲。雞皮三少。

安神隊杖

麥門冬也。名僕壘。

杖銘。緩步不須階。下僕清心。卽是腹中醫。

千眼油

葳蕤也。薛簡肅尚嚴呼薛出油。後改名薛春遊。

十年膏火。千里凝眸。借光東壁。貽憾春遊。

滴膽芝

黃蓮也。芝名壽潛。

苦勝於荼。壽潛於肘。越人一滴。將軍一斗。

剔骨香

青皮也

能通百節不染一塵囊無遺臭骨有餘馨

鎖眉根

苦參也治瘡疥

何憂如焚而眉長皺未起瘡痍頻思補救

刮腸筴

筴雖甘美而滑利大腸無益於脾

剗肉誰憐寬脾白悅太守清饒肝腸似雪

醒頭香

澤蘭也花粉紅夏開葉皆香能去髮積名孩兒菊

栽籬非願插鬢固宜世人皆醉童子何知

靈槐

新泰儀門內，元時縣入萊蕪，此槐枯後復治，此槐復榮。

鬼不附神以知願，隨棠作蔭長，美麥生岐。

神楓

在安福，其狀如神，歲旱以泥封之，則雨。

笑楓子，鬼奪蚩尤魄，泥可作霖脂，應化珀。

楓脂化珀。

合掌栢

汝西練溪多異栢，及暮枝葉自斂。

栢梁灰，銅狄沒，不敢抵掌導天子，以丹液。

大笑菊

與九華菊同。

縱插滿頭難逢開口長，笑歸來脫巾漉酒。

大頭點

竹名

螢窗月淡鶴徑風微夜深暗點錯認朱衣

百般嬌

麗春也

沉魚不妒飛燕爭憐問誰得似步步生蓮

潘妃

談芋

魁大如餅小子莖長丈餘可作羹芋之至美者

大如斗煨半邊勿多言十年作相至今傳

癭槐

華州三家店有槐蔭數畝癭形如二猪相奔顧口耳頭足一如塑成

笑癭宿生鬼木羸豕孚躑躅鼠兔駭耳目

神精草

產波祇國名荃蘼一根百條皮如絃可為布握一片香滿室

絲絲杼堪織

片片室生香三品藥

精氣一根藏神也

肥膩草

產雪山牛食若醍醐無青黃赤白黑色見華嚴經合論

色無間味如醒生嘗見佛面死不學癡肥

含生草

生韎羯國葉如卷栢婦難產或含葉或咽汁則立生

地欲了人生願一片天欲與人方便三咽

活人草

漢武時月支國貢三莖人死覆面即活帝試驗未幾不知去向

秦銜能拯枉漢貢亦返魂天所寶帝難存

藏羞木

名倒生木，依山生，根在上，其葉人觸則翕去，則舒。東海有之。

俯○仰○無○慚○已○卷○舒○豈○為○人○任○逆○施○而○倒○行○

治怪杉

龍標武陽山有魅市，日混人中，莫辨。惟此後可識，刀砍不死，以杉為刀，砍即匿。

杉○影○橫○魅○跡○歛○葉○豈○篆○天○符○枝○應○挂○僊○劍○

劉真人天符葉

孝槐

祚同死，槐枯，子士雄廬墓歸，槐復茂。傳清孤四女誓守，枯槐復茂，親百歲僊去。

枯○復○生○孝○思○格○可○倣○傳○女○槐○百○歲○畱○僊○跡○

强木

即不沉木也，以石壓之，終不沉。

幹○不○沒○操○不○失○譬○之○强○頃○令○威○武○不○能○屈○

子二血子樹

產閩樹類水栢高可十餘丈內紫紋可爲器子紅閩五官嶺有數株最大

子帶血路增悲寧招松鼠竄莫遣杜鵑啼

通氣樹

浸濕吹之有水天師府受籙作印燒炭

秉異體蘊僊材榮枯皆道德呼吸卽風雷

相思草

煙也

地遍醴泉天造草昧問誰獨醒舉世皆醉

獨搖草

生嶺南頭如彈子尾如鳥兩扇開合見人自動戴之令夫婦相愛

不戢而張如鳥之翮不風而波如婦之舌

神松

在神木縣張騫入西域卧松下夢遊天河織女贈石遂妄傳乘槎此乃海客事也

鳳子

也蝶

招魂織女贈石天使乘楂木公渡筏

靈茅

出背明國高五丈煥之成灰以水灌之復成茅名蕉茅

覩復燃灰得長生樂贈大茅君煉不死藥

歪脖菜

出奉天似杏葉而大味美梗至頂稍彎故名邢峙侍東宮厨進邪蒿却之

淡不厭貌不揚不作邪蒿視何妨正席嘗

翠蛾睂

花翠色隨日側映鮮妍有致出奉天

不添黛亦倚翠傾日既有情飄風寧無致

半體魚

生東海形如牛無鱗骨懸其皮潮至毛起潮退毛伏名牛魚治六畜疫

全非骨鯁半是皮毛縱鄰石柱也終遜郭椒

半面魚

越王食魚未盡以半棄之後魚遂無一面名比目徐妃以帝眇目為半面粧

效徐妃粧笑賈弼涕思牟續懸悲越王棄

獨脚蜂

出嶺南似小蜂黑色一足連樹根不能動搖有獨足蟻亦如之

歎蟻附笑蜂忙無心隨舞蝶有足比商羊

同心鳥

王者德及遐方四夷合同則至

非命命音非鷦鷯翼同軌同文一心一德

三才圖會 卷三 禽部 雞

目羽雞

遠飛雞也大如鵠色紫翼下有目夕依人曉飛絕域含桂實歸祝雞翁得卵伏

人間借宿天上尋聲祝翁破卵桂父

名僊點晴

骨咄犀

碧犀也大蛇角出西域紋如象牙淡碧微黃扣聲如玉有香能解毒

吞象非真駭雞也亦舛影落杯中咄嗟難辨

蠲忿犀

帶之令人蠲忿犀株如彈丸入土不朽同昌公主有此

忿宜懲犀何嘉庭前稽叔夜只種合歡花

合歡能蠲忿

時一作世時樂鳥

狀五色首有冠見則太平聰慧類鸚鵡而毛尾異獻嶺南張燕公表賀

賀燕公文類鸚哥智相慶彈冠卜年卜世

毛刺

蝟鼠也。人犯之則藏頭足。毛刺人能跳入虎耳。見鵲仰腹受啄。

荆棘中藏首尾外

歛神女也。鵲魂消山君膽戰。

肥遺

秦華山蛇。六足四翼。見則大旱。湯時見於陽山。亦鳥名。主旱。黃身赤喙。已癘殺蟲。

鳥能助虐民靡子遺君將解網爾應遜肥

人面蛇

出嶺表能呼人姓名害人。畏蜈蚣。一云化蛇。人面豺聲。鳥翼蛇形。見則大水。

捕蛇者說寧爾面如人面莫人心似爾心

人面魚

味在目。毒在身。有使海外者。其國宴以此魚。使者舉筯取雙目。即撒服其膽。傳

使者點睛波臣括目不意遐荒亦崇淹博

人面蟹 長寸餘宛如人面殼螯俱堅不可食

堅不可破橫亦無多本來未失問心若何

鬼頭魚 韶州鱗屬

陽○侯○晝○騎○陰○鬼○暗○射○鑒○爾○浮○沉○防○我○肘○腋○

鰲眉駒 黃馬黑喙白鼻姚襄乘馬名日行千里戰日馬倒為秦將黃眉所擒

千里絕塵一朝喪轡遺恨黃眉傷心白鼻 駒也

如意驕 德宗幸蜀馬也耳有毛引可長尺緩急如意與神智驄同斃獨望雲驂駕還

有意從龍無骨買驥望雲興悲嘶風失喙

雙睛

出祇支國名重明鳥目有雙睛狀如雞鳴似鳳能辟妖災節瓊膏皆望其集

五德自

如重瞳何用世將指鸞吾何題鳳

旋目

產荆郢大如鸞短尾紅白色目旁毛旋上林賦云交睛旋目是矣

魚也美鸞也儔凝眸無過望轉盼豈添憂

鑿齒

獸名齒長三尺狀如鑿徹領下而持戈盾堯時為害

不齒於族而操其戈百獸率舞如此君何

捲髮

類斑貓頭上有毛如髮喜食菊腦

以菊為糧與蠹為伍處士籬邊擢髮難數

係臂

如龜生海州欲捕者必先祭陳所取之數則自出否則風覆舟

投五體助一臂但願得龜從何須煩獺祭

䟽齒

魚名出東海味如猪肉見魏志

食肉鄙矣美魚樂乎千年芬齒大䟽小䟽

音聲子

鳥名出興州百舌之類。頻迦鳥六時出和梵音。

頻迦和音寒臯剪舌莫效如簧二三其說

念佛子

瓦屋山頂辟支道場有此鳥大如鳩黃褐翠碧間成文音清滑如誦佛

念茲在茲是鳥也應以辟支佛身得度者

寐魚

省鉤山廣百里多此

目不瞬寐安誇思兆牧人夢休驚漁父槎

淫魚

形似鬐有鬚無鱗頭身相半長丈餘鼻白身黑性喜音樂匏巴鼓琴淫魚出聽是也

非介非鱗半面半身知音出聽豈類奔鶉

啞蟬

寒蜩也初瘖得寒露冷風乃鳴

耐寒性飲露懷分明待時動休將結舌猜

舞雀

成王元年貝多國獻周公命反之

銜環可風銜杯可恥縱效舞鸞何如馴雉

脚魚

團魚也，卵生，類鼈，以眼聽，以蛇為確。

龜為之決，跛足得添足，失作聰，凶守雌吉。

靈半

大尾半也，細毛薄皮，尾重行，則以車載之，可療毒。

爾尾載車，猶車載獫，不掉養成，由來者漸。

豎角

水族，似車螯，角豎不正。

世多持蚌，吾美持螯，進不以正，叩角徒勞。

膾膈

骨咄獸也，生東海，狀若鹿，頭似狗，長尾，每日出，即浮水面，崑崙家射取，外腎作房術。

肥不遯，骨還柔，未明噬，麝悔難免，吠彪憂。

也。膾膈肥。

叠甲

魚身圓長四五寸鱗有兩重無味閩錯也

陽侯獵介士橫寧先甲後甲莫呼癸呼庚

吹肚

河豚也如蝌蚪目能開閤觸物輒噉腹每

與為一部肉鼓吹母寧一肚皮不合時宜

曾耳

騶虞也似虎尾長於身不食生物遇虎則

不殘異類重譯同歸虞廷率舞執耳者誰

反鼻

蝮蛇也鼻上有鍼錦文如綬螫人立斃胎

鼻未滅腹先裂人未螫鵠先斃反覆何益

題肩

鵲也齊人謂之擊征

寄人之臂奮雲之肩一朝懷斃千古筆傳

畫眉

似鶯而小黃黑色其眉如畫巧於作聲

勻螺黛弄笙簧半腰小蠻柳一曲杜韋娘

重唇

石門東陽潭內出雙鱗重唇二魚皆奇品也方干號補唇先生

干曰免齒寒魚唇複以美補不足我所欲

裸步

大螺也負殼露行冷則入殼生卵著石則軟取之則堅盛世浮於海上

幻非執炊行何畏露作裸程遊笑却鄆步

喚起

催明鳥也聲如絡緯春曉鳴圓轉清亮即戴勝

男喚耕女喚織難喚北窓中高枕斲紅日

胎詹

君子國有鳳皇嶺出天狗名此女僊與族雪道君各以玉膏鍊成上藥以相饋遺

僊藥成凡胎脫女愛其吠雲君惡其吠雪

脉望

蠹魚三食僊字化此規四寸許如環夜持望斗星立降可求度世何諷得之絕斷

蠹化三僊丹傳一脉獨惜何郎緣慳望隔

獨立

鳥各一足見則主勇強華方跂踵皆一足鳥

豈畢方儔豈跂踵客羞與雞羣獨欽烏獲

步屈

尺蠖也似蠶而小行則促腰首尾相就乃能進步身色隨食葉吐絲作室繭化為蝶

以屈為伸惟潛能變足高趾揚識者先見

癭斯

鳥名狀如鴉人足食之則癭

續杜預頸效宿瘤顰斯人之徒不可與羣

黃鰓

鰓也無鱗身尾似鮎鰓黃有力能飛肉醒酒祛風膽春上秋下

舉網得魚可使過鰓把酒臨風洋洋心賞

黃耳

陸機犬名機羈京常以竹筒盛書繫犬頸尋路至家得報還洛

疾若飛奴

也鵠也愁同匏繫傾耳鴈行傷心鶴唳

黃頭

鳥名、善鬪、褐色、可畜之。○鄧通名黃頭郎

鬪○狠○易○脫○繫○難○休○將○許○子○衣○比○笑○作○鄧○郎○看○

黃腰

穀也、似鼯而大、似豹而小、食虎與猴、腰以上黃、以下黑、小者名青腰、

竊○隱○霧○名○作○憑○社○主○豈○是○腰○金○半○皆○貓○鼠○

西施舌

似蛤而長、生海泥中、常吐肉寸餘、白似乳、形類舌、甚美

蠡○測○安○窮○蟹○臍○已○破○視○舌○猶○存○掩○鼻○而○過○

西施乳

河豚腴也

悵○望○雞○坡○潛○通○魚○腹○莫○喻○滑○酥○貽○譏○比○目○魚○也○

蠟觜

桑扈也，大如鵓鵒，蒼色黃斑，觜黃如蠟，九扈皆觜色別名。

新水調笙稠桑下榻看破紛華，渾如嚼蠟。

鐵脚

鳥名。鐵脚道人夜半登視融峯，叫曰：雲海蕩吾心胸。

鬬距離嫻雕籠，莫脫應羨道人天空海闊。

百舌

鵲鵲也，類鵓鵒，能反覆如百鳥之音。仲夏無聲，有則佞人在側，江亢之害反舌入殿。

效顰何意結舌，何因五月姤遇百口累卿。

半癡

名半翅，形半於雉而脆美，大如鶉，見人鳴喚不去，故名。吳兒除夕賣癡呆。

機兮心忘文兮，羽畫巧婦爭憐吳兒不賣。

韞雀名巧婦

耳鼠

丹熏獸狀如鼠兔首麋耳音如臯犬以尾飛食之不昧禦百毒

鹿同聽。老同吠。窟曾三營。乎腸還三易。未

坐魚

蛙也其性好坐

毋佻。而前。毋雷同。而喧。毋坐井。而觀天。

信鳧

海鷗別種隨潮往來

美爾機忘。有言不食。豈若尾生。未諳消息。

狂鳥

山海經栗廣之野有五采之鳥有冠名此爾雅云狂寢鳥

聳然自得。斐然成章。凉凉不屑。夢夢何妨。

獨步

出如良山獅頭尾虎豹文身黃一角行有意氣故名食草木可辟羣魅

炳乎文履而泰不與物同豈妄自尊大

槌額

魚似鮫長四尺出臨海鼻前有橫骨如斧斤

惡鮫淚怯魚撾欣看攀鱗去愁聞點額嗟

角端

鹿形馬尾綠色獨角在鼻上日行萬八千里靈異如神曉四夷語主明達幽遠則至

角不觸邪端不阿俗見則放牛隱則逐鹿

腹育

蟬未蛻時各此冬附於樹根朽處蓋蟬乃朽木所化也剖腹有朽木

未能脫胎猶然抱樸不蜚不鳴請觀其腹

大面 魚板身闊二三寸、尾無鱗、閩產、

鮮可烹賓可宴旨哉七尺軀不如一尺面

圓眼

魚名口小眼圓而赤閩產。善助號謝方

口不誇視不眇把釣遇謝君方圓適湊巧

博勞

名梟食母即鵲春分鳴芳生秋分鳴芳歇屋闕不祥鳴則蛇結血能昏金

不念一日劬聲其罪欲借一杯羹絕其類

賜梟羹

雪眉

嘉靖禁中貓名青色惟雙眉瑩潔善伺上意呼召皆前導伺上寢不移死葬萬壽山

死伴陵生伴闕竊馬氏之良叨僊哥

貓名之列

隱鼠

鼯鼠也。大似牛。鼠首象脚。胸尾皆白。能堰身放沫。云是鼠王。精滴成鼠。見則水災。

曲防有力。貽種無謀。社君克隱。長笑陽侯。

媚蝶

嶺表鶴子草上有雙蟲食桑收飼之。蛻為黃蝶。名此。女佩之能媚人。

贈芍懷深。期桑佩悄。何戀蒙園。不返華表。

嗅石獸

出瀛州。如麟。不食生卉。不飲濁水。嗅石知金玉。吹開可用。盜虛者名麒麟。檜。

羨登瀛。臭金玉。彼羊質者。流皆麟。檜之屬。

遊山虎

廬山有一虎。不傷人。時見行跡。

視不耽履。不啜五老。也。峯日昂頭。恣君時抱膝。

慧軀

孫綽望海賦石雞清響以應潮慧軀輕逝以遠繫

智○可○師○
增○可○避○
如○哲○士○
保○身○
豈○老○僧○
轉○世○

幽額

古山有泚水西注河中有獸名此文背善笑見人則佯卧其鳴自呼

文○明○一○身○
笑○傲○一○世○
乏○點○額○
憂○饒○寤○
歌○致○

瞎撞

西北獸類黃鼠短喙無目性狡善聽聞人足音即避黃鼠無目行則銜尾雨則鳴

五○技○非○長○
五○官○不○備○
審○明○於○幽○
防○患○於○未○

意怠

東海鳥名進不敢爲前退不敢爲後而人卒不能害

飛○倦○知○還○
色○舉○斯○避○
進○退○咸○宜○
增○弋○何○忌○

靈貓

直爰山獸名類如文狸自爲牝牡陰如麝香食者不妒

文未變蜡不迎非破卵香麝亦止妒倉鵯

勇雉

雉也類雉黃黑色首有冠鬪死不置教鳥也古今武士冠之名神雀

空城雀何如山梁雉干城夫何如鵯冠子

楚人高隱著書

靈鷲

林邑國有鷲能知吉凶覘人將死食屍肉盡乃去家人取骨燒灰投之漲海

骨肉殘孝思竭願人反蘖裡願爾化頑石

靈鳥化石

詭獸

出南荒形如兔人面能言心常欺人言東

口不從心獸中之人心不應口人中之獸

井口鼠

鼯鼠也、食魯郊牛即此、極細、齧人畜膚成瘡、雖死不覺、

甜言煽枕柔媚藏矛吾恐此輩不僅郊牛

易腸鼠

唐公昉升天、雞犬皆去、鼠自悔、一日三吐、易其腸、俗呼唐鼠、

以五技身悟三生計不垢不淨與之說偈

出入魴

初生隨母浮遊、遇警從母口中入腹、須臾復出、

樂則美淵急則依母長而遨遊憶臯魚否

吐哺魚

產杭、本名土附、以其附土而生也、色黑味實、

率土之濱有相之道請借箸謀爲調鼎告

白眼鯊

永平海出類梭鱗金色眼如玉環

金梭擲玉環同看他人世上幾箇阮嗣宗

黑頭魚

形如鰱長及尺出蜀郭璞岩前傳璞著書魚吞洗硯墨故首黑

郭著書魚吞墨依然烏角巾賣卜錦江側

抵詭獸

性忠直

薦角風高魚頭氣偉廷有觸邪野無直指

報冤蛇

人觸之即三五里隨身即至若打死一蛇則百蛇皆集出嶺南

睚眦必報解脫何時漢劍已沒隋珠可師

老婆牙

蟾也、生東海之岩、一名馬蹄蚌、似蟻而味厚、

齒已暮味還芬縱慚西子舌寧沾道士裙

昆布也產海岩

新婦臂

魴鮓也、常開口吹沙、性善沉、大如指、狹圓而長、有墨點、味甘、出奉化、

羹湯初作助臂如何欲歡魚水莫聽風波

尖背蛤

似蛙而小、背黃、脊一路微黑、腹大聲微、色白、

聲微矣鼓吹何足韻腹虛矣黃白何足問

後懊蟲

形類杜鵑、聲稍異、天津橋聞聲、兆安石新法之變、

有後悔無先見難追望帝魂反兆拘相變

懶織麻

蟬蛻也，形似蛤蜊而白，合口處色黑，閩錯。

麻不織絲已禁何期南海錯化作東門雲

思歸樂

鳥狀如鳩而慘色，三月則鳴，云不如歸去。

飛來三月歸去一聲山中酒熟我豈忘情

指甲螺

形似之，大者名江撓。

織纖手不可縫世人莫染指素女

螺婦也。自司饗

鼻涕魚

鼻魚也，一名龍頭魚，身類吳王餘膾而大，身軟無骨，味鮮。

不傷膾餘豈悲懶祭似監前魚龍陽之涕

應聲蟲

楊勔每發聲腹應讀本草至雷丸無聲餌愈有丐如之命服曰吾正藉此乞食

謀○道○不○謀○食○雷○可○擊○相○應○或○相○求○乞○可○留○

傳信鴉

徽州黃山有二神鴉每集寺鳴即客至一名此一名傳書靈素鶴知客至

伴神女○效飛奴○追隨道士○鶴彷彿老僧○狐○寺有訓狐報客

叩頭蟲

形如大豆祝令叩頭吐血皆從欲請放稽顙七十有聲傳咸作賦俗名搗碓蟲

非好諂○求可解○效貢令免○冠勝朱郎○萬拜○朱浚號朱萬拜

打拳蛆

蛎蠅也井中小蛞蝓赤蟲其行一曲一直名釘倒蟲久蛻為蚊

豸形未脫○豹脚也○猶踈養其小體○厭卿老拳○

飛骸獸

翁韓國獻如鹿青色及死帝惜之挂苑門頭尾及骨皆飛去

生入帝鄉死歸故俗獸解飛鳧人多夢鹿

脫胎蟲

蟬蚰螺也無殼能制蜈蚣

螺女機藏吳公氣哉得脫垂涎不嗟粘壁

印頰魚

城陽縣堯母慶都廟前一池魚頭有印文

蚪蚪族文字軀頰尚留丹篆胸寧無素書

傳言鳥

隋處士元藏幾有二鳥類黃鸝翔時呼即至或令達言皆如意

不費招呼不欺然諾處士之鵬孤山之鶴

白髮魚

白髮形如婦人白肥無鱗出滇池中。

莫○羞○明○鏡○休○怨○浮○萍○世○間○公○道○問○諸○水○濱○

赤眼魚

鱗鯰也。好獨行尊而必者。赤脉貫睛。圓長鱗細。青質赤章。好食螺。善遁網。

目○離○離○行○踽○踽○傲○已○類○阮○郎○好○還○悲○素○女○
螺名

撞破頭

保德州鳥

還○山○好○入○世○危○莫○矜○新○羽○翼○斷○送○老○頭○皮○

用楊朴句

白眉毛

長甕龜脚也。簇生海岩。春雨生花。鄞俗呼此一名佛手。蚌酒醉之佳。

聚○族○而○居○抱○甕○而○醉○吐○氣○五○常○合○掌○三○昧○

縮項鰻

峴山下漢水中出肥美禁捕以槎斷水名槎頭鰻張敬兒獻齊高帝千百六頭

乘楂有願引領無從何期瞻漢得際從龍

飛涎鳥

生狗國似鼠鳥翼脚赤口涎每曉酒樹禽至如網食之或飛逐亦以涎中

一面不開三緘不識口舌所傷甚於燬弋

腆顙蟲

出嶺南狀似阜螽褐色身扁帶之令人相愛

大則振羽小則媚人不腆微物亦得歡心

玉面狸

白面而尾似牛亦名牛尾狸專食百果冬極肥糟食能醒酒畜之鼠皆伏

果肥不若酒酣可羨狐媚更甚鼠井可鑒

白臉雞 產瓊州

玉狸非儔碧雞堪薦起舞黃昏書生白面

白面猿 ○呂惠卿號說法馬留

負通臂伎作粉面粧誰其似之何郎呂郎

遊鳥 ○大如鵝色黑以青絲頭擊竹竿呼之即來

青絲鳥 ○名鳥可狎青鳥可羣笑夜遊女 ○鵲歎日遊神 ○奔

諾龍 ○南海水蟲如蜥蜴欲食則水族過者自躍其前得必雌雄雙至為媚藥

與狐羣寧龍躍得百諾諾不如得一謬謬

倚望

似蜚蜚青色進輒兩螯顧盼。呂亢有蟹圖。龜蒙有蟹志。

展亢圖。觀蒙志。誰無倚間愁。對此添憔悴。

睚眦

獸名好鬪。今刃柄上吞頭是也。范睢睚眦之怨必報。

目不逃。鬪亦好。寧為施舍勇。母為范睢報。

馴鵲

漢武時有獻此者。逢樂事則鼓翼翔鳴。

是神雀。伍非馴。雉才國。徵卓異。不貴知來。

乾鵲知來。

仁鳥

晉焚山求介之推。有白鳥繞烟。噪集介側。火不能焚。晉起思烟臺。種仁壽木。鳥名此。

龍忘蛇。逸鳥憫人焚。蹈火而死。未見蹈仁。

比目魚

昔夫婦最篤婦為勢家所奪不屈死沉於水夫聞亦赴水化此獨目箸魚雙目

有詩魚牀

藻也每慮孤衾冷鵜翼長思隻眼窺

吸脚鬼

大二三寸身圓扁而黑腹白無頭尾生海塗遇人足即吸血煮食如鴨

寧樂飢

休啖鬼我將煨鴨脚銀杏爾莫吸人髓

餓鳥

相傳自海上來喙中有沙如黍粒名金剛鑽見京口志

不效飢鷹

豈甘腐鼠非信天翁亦蹈海侶

叱螺

著海邊樹上叱如人聲可食椒圖形似螺黃初平叱石成羊

質負椒

圖棲胡枝借叱石驚黃司養笑謝謝端妻螺女

青眉鳥

出嵯嵐

穿○花○徑○帶○曉○粧○不○憐○號○國○淡○豈○效○隋○宮○長○

白額虎

為義興害周處殺之仕至將軍

害○處○三○長○居○百○將○軍○既○洗○心○山○君○應○破○額○

人手鮎

宋乾道六年行都北關有鮎色黑腹下
出人手於兩旁各具五指

蛇○譏○添○足○鮎○何○添○手○但○美○翻○雲○未○諳○掣○肘○

人言龜

數過國獻能人言頭長一尺二寸盛青
玉匣豁一孔以通氣

不○曳○尾○寧○守○黑○不○決○策○寧○守○默○多○言○滋○貳○

短項

項縮而短、一名鸚哥魚、○鸚鵡名綠衣使

綠衣使曰請納款吾逢人說項無暴汝短

長舌

獸名狀如禺而四耳見則多水旱

出入見水旱頻吾知東窓婦卽是爾翻身

肘子

殼下尖上闊中有肉面有掩膏皆在尖惟取面肉爲饌

立錐豈乏地闊面亦瞻天時露肘畏垂涎

愁胡

鷹狀如塞外之愁者○鷹名白將軍

既負將軍號胡效杞人憂凌霄郡志未酬

鷹封凌霄郡公

佗背蟲

似促織而白、雙鬚甚長、無翼不能鳴、偃背長股、善跳、好居濕、雌雄不離、

如郭負橐、如丈承蜩、是以君子惡居下流、

青腰蟲

如蟻大、赤色、腰中青黑、尾尖、有短翅、能飛、春夏有之、性毒、著皮肉腫、

趨炎其志、懷毒何澆、豈能附翼、亦想折腰、

僊胎魚

即墨勞山有溪、產此、是溪邊柳葉所化、長二寸、形如柳葉、

柳還脫胎、栢已屬命、龍女傳書、爾應出聽、

塞鼻獸

雌也、似猴而大、黃黑色、尾長末岐、鼻露面上、雨即懸樹、以尾塞鼻、

俯不忤仰、何愁為無反鼻、毒終鮮塞、韞憂、有反鼻、蛇

靈麋

梧州大山上獸名、大鹿一角、牛尾三足見則郡有火災、或使車至則鳴、

出不偶。鳴不差。在天應。災惑在地動。皇華。

羣鳥

如鳩類、夸父鳥、

羣或然拙。未必豈果能占晴。也。鳩亦妄想追日。夸父

跳兔

出廣寧形類兔甚狡、前足寸許、後足幾一尺、行則跳、止則蹶、即蹙也、附蚤蚤距虛行、

井口伴

井草貽蚤負足行、耑藉蚤蚤力、徒慚躍躍名、

鬪鵝

僖宗數幸興慶池、與諸王鬪鵝、一鵝價至五十萬錢、有鬪雞供奉、

笑鵝道人作雞供奉。雪夜鳴池交鋒借重。

楚魂鳥

楚懷王囚咸陽不得歸卒化鳥後寒食月夜人於楚見之

魂已杳羽何飛屈尚有龍弔懷終逐燕歸龍舟弔屈原

斷腸鳥

綠羽鳥觜似桐花鳳籠之可玩啄斷腸草花子采飼可久活

草毒人鳥飼草鳥尚可如鳳人何不如鳥

拙魚

蜀嘉州丙穴魚呼此春出秋入一云穴向丙似鱗黑點謂感應星象而成

忘水火慎出沒與爾說春秋問誰分巧拙

命魚

虎魚也形如命字能變虎

李父也虎後因栢君前定雖然變靡常數莫聽

能言鷹

止燕京劉機室奴飼不潔攫之居數日語曰劉機大貴人他日八座果然

鷹曰東君貴兮鷁鷺儔我安適兮鳳麟州

能言獸

大業中波斯國有獸言山西有黑石而白文得之者王人走視果然

何毛羣知王跡非占瑞角端言能亦記災晉石

作楫鳥

鄆縣大嵐山有鳥聲呼作楫因名

豈能化俗似解迎賓我將拜石倩爾揚聲

噯呀鳥

大嵐山鳥聲呼此

痛楚聲愁苦形恐剋心頭肉不耐耳中聽

縮脖子

出奉天鳥名，灰色，形如鶴，翅大高脚，飛則縮頸。

擬其翩瓦亭僊也，肖其吭偻，丈屈伸可想。

大眼賊

奉天雀也，以目大名。楊大眼勇冠六軍，與妻潘同獵，號潘將軍。

伴竊脂

名鳳，爭覆粟，若遇潘將軍焉，知不括目。

滂頭魚

鰱也，頭最大，埤雅為卽鰱，本草為鰱美，在腹，鰭美在首。

孰剖腹爾胡不藏書，孰點額爾胡不藏珠。

傷魂鳥

如雞，毛似鳳，傳黃帝殺蚩尤，誤傷一婦，七日不絕氣，帝哀葬之，有鳥翔冢呼此。

七日可哀，一鳴猶在誓，不栖楓，恨深化械。

蚩尤械化楓。

附人

防風骨

吳得骨節專車遣問孔子曰昔禹會諸侯於會稽防風氏後至戮之此其骨也

節若專車橫豈九畝心或可原骨應不朽

孫登嘯

阮籍至蘇門與商畧不應籍退至半嶺聞有聲若鸞鳳乃登嘯也

吹我清音嶺半笑他白眼途窮道骨僊風

樂山笑

僧樂山登山忽雲開見日大笑一聲應豐陽九十里居民聞之如東壁也

見日開顏如雷灌耳鐵脚道人登祝融同情佛子日出

任瞻影

字育長少有令名王安豐選為壻神姿可愛人謂其影也好

珠作腹玉為容如逢張子野號張描寫入詩中

陶侃指

侃手紋達中指至橫紋上節絕占曰貴相侃鍼挑令徹彈血壁上成公字

相也

朱景鏡成相字

公也命也為之兆也若或使之天也

伯瑜泣

姓韓母笞之泣母曰他日不泣今何泣也曰他日笞常痛今母無力不痛故泣

求○痛○不○可○續○淚○在○目○求○杖○不○可○復○痛○在○腹○

潘妃步

名玉兒東昏侯鑿金為蓮花貼地令行其上李後主建金蓮六尺宵娘舞上

舞○蓮○杳○響○屨○沉○未○克○警○前○鑒○恐○還○步○後○塵○

子陵足

與光武卧以足加帝腹太史奏客星犯帝座上曰吾與故人子陵卧耳

牀○頭○有○故○人○目○中○無○天○子○賢○於○枕○膝○遠○矣○

李泌願枕帝膝

田駢口齊人好談論號天口

緘金未能懸河難覩得爾談天亦可消晝

傳咸掌

掌有卧龍指甲上隱起花草如雕刻是以文章過人

文見於外者美在其中也龍德而隱者也

季常眉

馬氏兄弟五人有才名次字季常眉有白毫最良黃眉翁吞氣已九千餘歲

人誇眉之白吾美眉之黃白飲墨黃飲芒

李密瞳

密方瞳子黑白明徹煬帝見謂字文述曰此兒顧盼不常無使入衛

遜霸之重招帝之忌而終非僇僇之所契

方僇仝眼

趙氏耳

父盜鹽論死女以死請得減願毀服依浮屠截耳自信奉父卒不嫁

脫父犴狴托身雞園終其身不聞婚嫁言

田布心

布度軍亂為書謝帝曰眾意負國臣願速死引刀刺心曰上謝君父下示三軍

匪示也匪報也深愧懷二心以事其君者

乾祐手

翟天師名乾祐手長六尺大尺餘每揖手過於胸

非止過膝竟爾等身縱難捧日亦可擎雲

王笠聾

笠不仕佯狂作聾每說話即畫字

不聽自無不狂自洽參無字禪即避世法

景興膝

姓賈棲逸葛榮陷吳州稱疾不拜每捫膝曰吾不負汝以不拜榮也

膝不屈節不折枕不願固高抱不吟更越

元忠怒

張景臧相魏元忠久而不言忠怒曰窮通有命景起曰君相在怒位必卿相

可測者怒難測者笑榮辱不驚相益難料

元載鼻

載聞酒氣卽醉人以鍼挑鼻尖出小蟲曰此酒魔也是日飲至一斗

酒魔誰挑邪魔誰辟恨無砭鍼終遭塞韞

載塞鼻韞而死

郝隆腹

七夕俗皆晒衣隆卧庭中人間之曰晒吾腹中書耳仕至南蠻參軍

兩脚厨九經庫不怕腰生蟣只恐腹生蠹

公孫呂面

面長三尺闊三寸爲衛國賢臣。桑維翰面長一尺諸葛子瑜面長似驢

鏡中匏影中尺維翰遜其長子瑜笑其窄

潘夫人唾

吳王潘夫人醉唾壺中頃之得火齊指環飛燕誤唾婕妤袖如石上花

唾袖成藥唾壺成環如其唾面乾亦成斑

王諒臂

守交州梁碩耑威逼奪其節斷左臂諒正色曰死且不避况臂乎憤死

將爲碎璧焉臂可斷將爲全節焉心不亂

毛氏腸

元周婦美遇賊誘以金曰寧剖心不願金脅以刃曰汝碎鼻我碎香怒刳其腸

香也認得真腸也割得斷玉不磨金不換

包胥哭

楚殺員父，員曰：「我必覆楚。」胥曰：「我必復楚。」吳師入，胥至秦，哭七日，發師，賞功，逃。

七朝泣

萬騎從，淚添石鼻。

秦地水塵，掃細腰官。

陶母髮

侃為吏，孝廉。范逵與友過侃宿，母截髮易酒，殺以供客。歎曰：「非此母，不生此子。」

剪綠雲

供紅友，母未免傷心。子何忍入口。

孝忠乳

姓張，母病，斷乳進，病愈。母心痛，爇掌代受，鬻身葬母。父瞽，舐之復開。

乳療疾

舌轉瞋人也。孝不篤，天也。呼不靈。

子誕脊

姓韓，親沒，負土成墳，居喪過禮。及卒，視其脊骨皆毀。大業末，表閭，貞觀中，蠲賦。

噫過矣

盍節哀而全其身，顯親而揚其名。

呂昇肝

萊州人父權失明剖腹探肝和藥進父日復明昇亦不死淳化中賜粟帛

幸矣。全身而愈。盲獨不聞哭子而喪其明。

陳燾瞽

葬母燾欲扶柩至壙人止之曰母生我鞠我入土忍以疾辭行數里雙目頓開

寸步慘然。一旦豁然。飄飄遊子。炯炯徒然。

鬻拳刖

强諫楚子不從臨以兵懼而從之曰吾懼君以兵罪莫大焉遂自刖

諫從繩。跣伏罪。舌無慚。補天足。無慚履地。

壽陽額

宋武帝女壽陽公主人日卧簷下梅花落額成五色拂之不去

卧人日咏標梅東風先點額也想僭花魁

叔才癰

姓支定州人母病癰吮瘡注藥及亡廬墓白鵲止旁

青莪沒白鵲來慨彼吮癰而舐痔者爲誰

惠明頂

姓詹父罪死明求代以大艾灼頂斷右耳血淋吏駭減父罪賜錢帛

堪憐苦肉計頓開法網門非摩頂所同論

杜后齒

后少有姿色長猶無齒帝納彩之日一夜齒盡生

六禮畢一朝齊人將歌卷耳天應錫瓠犀

齒也

鉤弋拳

漢武巡河間見女絕色兩手拳百人擘之莫舒上披卽舒納之號拳夫人

詩曰畱得藏鉤千古戲依然回首一空拳

藏鉤戲始鉤弋

靈休痴

孟姓嗜瘡痴落盡食之南康吏三百許
逋鞭瘡痴以給膳。劉邕亦嗜痴。

效孺

嗜長孺

何妨較邕更酷誰救瘡夷免其魚肉。

張詠拜

躁急不喜人拜跪命典客預戒止有違
者卽連拜不止或踞坐罵之。

君子不可虛拘不以禮節之母乃太簡乎。

長孺爪

姓權癖嗜人爪狂士蔣傳得爪數兩餞
時酒酣送之流吻連噉合坐驚異。

剪彼爪牙快我胸臆非厭肥甘爲鄙肉食。

萇弘血

弘死於蜀化血爲碧入地爲青泥建坊

一寸丹心化碧血千年遺跡表青泥忠矣。

杲卿舌

顏杲卿罵安祿山不絕斷其舌日復能罵否含糊而絕

晉不絕氣不滅畱載千年筆勝存三寸舌

巴嫗癭

刁俊妻項癭如囊作笙琴聲忽裂一綵言與蛟往還天索蛟黨匿領示膏塗愈

索蛟黨癭庇猴索猴黨孰庇癭幸免誅求

小蠻腰

樂天姬名小蠻善唱楊柳枝

歌曰恰如嫩柳窻前舞長帶嬌鶯枝上啼

子龍膽

引數十騎與魏戰追至雲大開營門魏疑有伏引去照烈至日子龍一身是膽

虛實識智勇兼泣郡守斗大姜美將軍體全

于期頭

自刎付荆軻入秦

詩曰魂隨一七秦庭入恨向千年易水流

東施顰

西施病心而顰里之醜人亦效之

效顰而忘其醜不猶勝乎獻醜而矜其口

重耳脇

奔曹洛時窺其骭脇僖負羈妻曰公子得志而誅無禮曹其首也饋餐置璧

骭固奇窺何道受餐可免誅割股胡忘報

希夷睡

隱于睡小則經月大則幾年方覺

蟄有方

得五龍蟄法

甜亦黑勝遊無稅鄉應入華胥國

韓娥歌

至齊鬻歌、餘響繞梁、三日不絕、過旅被辱、悲歌一里垂涕三日、追娥長歌復躍

哀樂在人亦關音調宜乎賢侯愛此輦笑

重恩慙

姓李對奕昏睡開目應著出人意表號李慙

隱蝶魔通鶴夢既手可應心必靜能生動

長孫儉

後周長孫儉文帝曰尚書既安貧素可改名儉以彰雅操

帝曰儉德之共也名以昭清白貽子孫者

牟志淚

宋殷貴妃死上至墓令哭志悲咽人問那得此副急淚曰我自哭亡妾耳

副其淚逢其會其矢口也真其事上也偽

子昂短

長三寸。漢武宴未央宮，見梁上翁，長九寸，名蓼廉，土木精也。

產非鶴國

人長六寸。形豈蓼廉案頭松使。墨對此掀額。

梁猷醉

朱宗室猷守吳興，每祀楚王廟，盡歡醉，神影亦醉，後刺益州，賊攻，神領騎破之。

此日逢知己，他年遇解圍。酒中之趣得矣。

徐妃粧

梁元帝眇一目，徐妃爲半面粧以譏。

一朵含笑

花開半邊。一目爭看面如半月，膽亦包天。

崔浩瘦

愛吟，一日病起，友戲之曰：子善吟，詩瘦也。

崔郎立骨沈郎怯衣未聞子固腰大十圍

曾子固不能詩

山谷默

黃山谷以忍默平殖爲四印云萬言萬當不如一默

銘乎金曷鑒黃之印主乎靜曷法張之鏡

張鏡靜默

酈生揖

生見沛公長揖不拜曰足下欲誅無道秦不宜倨見長者說齊爲賣已烹之

說齊非賣已傲氣亦凌人笑一揖博一烹

丁稜吃

欲言稜等登科乃連曰稜等登不成語或曰君善箏曰未曰稜等登非箏聲乎

詩曰豈是焦僊來喚酒焦遂宛如秦女出彈箏

稽康嬾

有嬾癖拜中散大夫不就彈琴詠詩自足同竹林遊被譖臨刑援廣陵操

半生惟有酒一死不忘琴空負癖曷避塵

王湛癡

有隱德人目謂癡姪濟詣談易入微武帝問濟卿癡叔在否濟比之山濤魏舒

既精象義何辨馬曹山公不識月旦空操

黃公謙

齊人二女皆國色嘗謙謂醜惡遠近播聞長而無婚衛覬夫娶之乃國色也

徒抑抑悞天天縱之譽兒癖能無怨女嘲

阮籍眼

能為青白眼對賢士則青對俗士則白有濟世志見名士少有保全者遂沉飲

世上無金玉杯中有聖賢試達觀孰瓦全

江拱捷

梁人夜集竟陵王賦詩刻燭而成又共擊鉢立韻響絕而就

磬隨韻燭限光句還驚謝朓步不讓思王

柳氏妬

任環無子，帝賜姬，妻髡其髮，上召飲，酖柳曰：生不如死，飲之。上曰：死不懼奈何？

河東獅

季常妻亦姓柳

殿上酒寄語世間人娶婦莫娶柳

石虔威

姓桓，虎被箭伏，虔往拔歸，從溫入關，威振天下，時有病瘡者，謂虔來以怖之愈。

力拔虎氣凌鷹不假塞北狐休比關西蟹

可愈瘡

淳于滑稽

髡見梁惠王無一言，後與語連三日夜無倦，厚賜之，終身不仕。

機也隨變也速在齊為冥鴻在楚應脫鵠

元鈞面皮

姓田，在三司厭于請，每强笑遣之數年面似靴皮。

恨彼笑中懷刃憐君笑裏藏韡

叶不笑如何

啓期樂

榮姓鹿裘鼓琴而歌孔子問之曰吾得爲人一樂爲男二樂行年九十三樂也

披裘鼓琴以遊以詠知足者榮爲君三誦

杞人憂

汝憂天我憂人天穿可補石人險孰平心

机汜恭

魯恭士行年七十其恭益甚○後漢賢宰有魯恭

詩曰垂老不愁恥左伯丘明封翻身猶恐作魯恭暇丘伯

仲文潔

姓庾性潔士大夫造之未出戶輒令人拭席洗牀

避塵曷避人漆物曷漆心毋蹈何之水淫何佟之號水淫

陸倕誦

讀書一遍必誦於口借人漢書失五行志四卷暗寫還無遺

二酉日空五車心積秦無餘灰漢有完璧

季布諾

曹丘生曰楚諺云得黃金百觔不如得季布一諾遊揚足下名於天下不善乎

曹丘非誇楚謠非假慨世多諾輕而信寡

福疇譽

姓王五子皆文顯常誇於韓彥思思曰武子有馬癖君有譽兒癖王家癖何多

多一癖增一晒吐鳳父能誇攘牟子必隱

張旭顛

號草聖觀舞劍而得其神醉後以髮濡墨書之稱奇絕

劍中訣髮中傳草中聖飲中僊人中之顛

鄒衍吹

吹律而溫氣至穀生故懷柔有黍谷

律所至氣成溫口能生黍稷脚應有陽春

錢唐胸

洪武欲廢孟子位令諫者射之唐祖胸

文在茲胸可就一日受弓矢千年存俎豆

欽明舞

爲八風舞體肥醜據地搖頭睨目左右

臣已掃地帝胡仰天風斯下矣用之言然

丁固夢

夢松生腹上占者謂十八年當作公

詩曰但識功名松上寄誰知身世夢中尋

董宣項

董宣號強項令、公主奴殺人、宣治之、主怒、帝令服罪、不能強、又稱卧虎、

不○屈○非○膝○不○折○非○腰○莫○將○卧○虎○錯○認○眠○貓○

潘安貌

潘岳與夏侯湛同車、人稱連璧、

吐○者○珠○連○者○璧○寧○令○花○不○如○莫○教○果○再○擲○

朝明舌

夔州道士王朝明、舌長呼字不正、夢老君剪其舌、既覺語遂正、

呼○多○錯○夢○堪○嘲○安○得○如○簧○巧○盡○付○猶○龍○刀○

王述躁

性急、食雞子以筋刺不得、大怒擲地、圓轉不已、以履齒蹈之、又不得齧碎吐之、

性○不○迫○氣○自○純○佩○韋○不○學○豹○拔○劍○亦○驅○蠅○

謝奕狂

桓溫司馬也逼溫飲溫走入南康主門避之

詩○狂○欲○上○天○酒○狂○愛○逃○禪○其○何○所○恃○而○然○

新磨諠

後唐莊宗獵中牟蹂民田令諫觸怒將斬伶人敬新磨諠而救之

豈○曰○秉○籥○珥○筆○云○爾○豈○曰○滑稽○異○語○云○爾○

金藏臍

樂工姓安武后命俊臣鞠太子反狀藏剖腹出臍以白后后命納臍傳藥甦免推

雪○少○海○冤○剖○弘○演○腹○剖腹納鐵○膽○銅○肝○敲○金○戛○玉○

何遠語

言不妄發語人云卿能得我一妄語則謝一縑衆共伺不得

箴○金○銘○復○圭○篇○捧○身○如○捧○玉○防○口○甚○防○川○

妙心腦

閩僧母瘋僧糊一紙毬告天貯火毬內不損遂破腦出髓和粥服母即愈

格天一毬添母一籌世間藥石孰愈骷髏

伯翁臍

東漢趙伯翁晝寢兒戲腹納七李于臍中至爛流汁核出無恙

何深藏之若虛較不容一物于衷者何如

孟業重

東漢人身重千觔帝疑之以大秤懸棟稱之業曰臣雖肉重千觔智無一兩

重者軀輕者智視夫舟之秤象也何以異

劉曜鬚

字永明鬚百莖皆長五尺

鬚過膝面如何飄風致不少琢月斷應多

王鶚氣

爲辛京果偏將擊毬仰天呵氣高數丈若白練果曰此極貴配女弟位至將相

斗牛可冲將相可致配義與道塞乎天地

世長詭

陝部多犯法難禁蘇世長引咎自撻市伍伯嫉其詭鞭之見血痛甚呼走

虛聲可盜痛癢自知一鞭稱快三尺誰欺

文穆畏

王文穆畏夫人悍妬作堂名三畏楊文公戲曰改作四畏公問曰兼畏夫人

飲酖盡夫人驅塵皆君子付之一笑而已

維翰醜

桑維翰醜怪身短面長主司惡其姓不取鑄鐵硯自礪後登第拜相

一尺面一个臣硯穿磨日月裘敝補風雲

裘百結號鳳尾

言吉瘡

姓李左目上生瘡漸長如鴨卵崔堯封令醉破之中有黃雀鳴噪去愈

雀誰剖蟻可穿從今思倒甕應不想銜環

黃昌痣

妻被掠入蜀昌為蜀守其子犯訟昌疑其母詰之訢昌左足心有黑痣示還配

顏易變音不遷賴此一點黑全彼百年緣

賈弼半面

夢鬼易其面能半面笑啼兩手及口各捉一筆俱書詞意皆美

面帶鬼筆稱神何常揮鬼客不有短狐名身名

彥博花押

文潞公女見公花押必剪收云能愈瘡

鬼欲避女先知誰謂潞公筆不及少陵詩杜詩愈瘡

宏度擲

姓崔，膂力絕人，與文訓登樓，去地五丈，

訓畏之，度擲身至地，無損，奇之。

詩曰：登高不碍，乾坤眼擲地，寧無金石聲。

情 附物

悟禪鳥

裴氏一鸚鵡告持六齋佛號將斃擊十磬聲念十彌陀而去焚得舍利十餘

謝雕籠歸淨土豈持六日齋能除一切苦

生子熊

宋吳元夫舟覆至島母熊引穴飼之生一子遇舟過挈子歸熊至奔跳斃

穴則依舟則飛夫縱忘婦德子何忍母離

辟瘡蟹

關中無蟹土人得一乾蟹為怪有病瘡者信懸戶遂瘥

擁爾劒莫橫行駭人復駭鬼宜假不宜真

相乳猫

司徒馬燧家猫生子同日其一母死有二子其一母銜置共棲乳之韓愈作說

恤孤有心同患相告哀斯女奴也古誼伯道

寶孝蛇

寶母產武並產一蛇送林中母卒蛇至
柩前以頭擊至流血而去

性所同然率然猶然彼奪情者何獨不然

搗藥蛇

劉裕微時遇大蛇射之次日過見數童
搗藥曰主爲季奴傷叱散得藥治金瘡

一矢傷數童搗留此白帝方傳爲季奴草

銜環雀

楊寶見雀墜置笥飼愈放去化黃衣少
年持玉環來報楊數世爲廷尉

一黃衣數赤烏豈果毛羽恩遠勝詩書澤

立化雀

見永寧○忠州貓峽中猴李公擇家蛇
皆坐化

幕不入環不銜立地成真果通天笑野禪

挽鈴鴉

溫璋為京兆尹見鴉挽鈴曰必有取雛來訴耳命吏隨至果然執斃之

縱有懸鏡豈乏張羅覆巢已矣覆盆若何

代募驢

乾道有僧希都來天目養一黑驢出入會意僧病驢代募供給朝出暮歸

孽堪償德難沒僧不苦刀圭驢可傳衣鉢

舞馬

公宗有舞馬能銜杯上壽祿山反宴將令馬舞垂頭流淚殺之

淚落桃花羞舞楊柳慚媿千官凝碧卮酒

舞象

祿山宴羣酋出舞象給以有天命異類必拜舞左右教之象皆努目不動盡殺之

天步未移怒目相愴世亂識忠太平有象

投金鳶

鹽城漁父弋雄鳶置金煮其雌隨棹飛鳴父啓釜即投沸湯中死

雄沉金底雌泣檣邊琵琶江上羞過別船

舞鏡鸞

蜀賓王得一鸞三年不鳴夫人言見類則鳴懸鏡照之觀影悲鳴一奮而絕

見類鳴悲影絕未解色空身鏡花即水月

捧珠鼠

蔡喜夫避水於南壟有鼠亦浮水來蔡以飯與之水退鼠捧珠二升餘報之

濟川乎不憑社可知銜珠乎不下石可知

銜卷鼠

李昭嘏十上春官卷已棄有鼠銜置主司枕前數四遂第問故三世不畜貓也

不畱白雪

貓名白得啖紅綾李貓人畏李鼠人矜雪姑

置經鼠

鼠銜孝經疏置杜鎬榻取讀果試題出其中遂選正月十名鼠嫁女日莫驚

寧談雞莫捕鼠如能益詩書任汝恣嫁娶

吟詩鼠

成化長樂陳豐家鼠化翁長六寸對飲歌曰天地小如喉紅輪自吞吐

經三易腸吟五言體鼠亦能詩人而無禮

銜刀犢

趙屠縛牛出犢銜刀入石隙屠覺取刀置原處窺之犢復藏如故悲悔出家

嗟爾銜藏傷哉觶觶仁政仁心賣刀買犢

藏刀羔

馬仲方羊生羔鬻屠肆將剖而再亡其刀乃羔銜投溝也感不復業

刀銜耳義成仁物還能顧母人豈好傷生

舞竿竿

忽魯斯國人豎木長丈許將竿立於上人念誦竿依拍舞又接木高丈許復舞

一竿舞一足唾

商竿一足舞雨與其博一笑何如雷一犁

友于竿

魏博王家三竿一盲二竿得草鳴飼盲竿墮井呼人救出以鼻噓活作義竿記

跪乳則孝呼食則悌凡今莫如記此增涕

吞印鯉

唐李琮觀察湖南烹鯉得印乃衡山縣文召令詰知盜去私鑄代之哀求還之

詩曰遊鱗未敢泯懷寶漏網終難免乞哀

延壽鯉

劉子奇夢姓李二人乞命次日有餽二生鯉放之夜夢來謝曰令君延壽一紀

錫疇祉好生益豈是長史

也權能掌司命籍

服罪鵠

無忌捕鵠三百餘問誰是殺鳩者羣鵠縱去一鵠低頭就殺

化鳩者祥殺鳩者殃誰知羽族亦畏王章

出獵蟻

徐公之見人如栗行案上呼蚍蜉王觀魚紫石潭持魚具入潭獲小魚出

獵硯池入夢境矢棠觀濠皆古今之泡影

通夢蟻

董照之過錢塘江救一蟻夜夢來謝是蟻王也後坐獄蟻穴獄而出

德報蚍蜉情通蝴蝶競說槐柯誰師竹筏

誦賦蝨

蘇隱晝寢聞有誦阿房宮賦跡之乃被中蝨也大如豆粒

阿房讀志不跼無怪乎遊相鬚而經帝目

變色魚

明杭張問渠母畜朱魚三十餘頭母沒皆變白及去喪日復變赤

共戴素冠願除絳幘視此色難敢辭力竭

念佛魚

唐劉成載魚賣船上大魚振鬣稱阿彌陀佛萬魚皆跳躍念佛聲動天地放之

漁郎難度梵帝生超慈航不遠彼岸空招

酬銀魚

唐熊慎販魚聞船中念佛聲放之夢來謝當報於沙中火起時掘之得銀數千

登度筏出迷津魚還解佛力人但識錢神

報珠魚

漢帝遊太液池見一魚隨舟取視吻有鈎去而放之後至放處得明珠二顆

帝德弘爾鈎脫一棹放清風兩顆酬明月

助臂鷹

陸氏畜牡猴因挑婦欲擒卽避命臂鷹擊之猴舉尾自扞鷹往招一鷹助擒之

馭狙無術

將伯有鄰

央雲

鷹名高義薄海空羣

啄帽鷹

明楊維宗守郡饑發倉賑道韓姓揭其擅支一鷹擲下除韓紗帽啄碎止

裂其冠

奪其魄

人有活

人心

天假冲

天翻

復仇鷹

巨蛇噬鸛雛鸛來蛇復張口一鷹至見蛇勢可畏高飛側翼三擊蛇墮死

彼爽鳩氏

爲捕蛇者

與子同仇

言可復也

憐病鵠

謝昌爲廣州參軍性孝常養一白鵠昌病二旬而鵠二旬不食昌亡鵠遂飛去

鵠也有志

人乎數奇

旣憐同病

何忍分飛

扇女鳳

衛羅國王女配英與鳳處常翼扇有胎殺鳳埋林女思鳳臨之鳳抱女飛去

跨既乏緣處亦非類比翼有心于飛无悔

候客鹿

鄆都縣山都觀有老鹿每客至鹿輒夜鳴以此候之

預知至止豈諳逢迎嘉賓式燕應賦鹿鳴

放火猴

唐時猴數百集古田山木中人伐木合圍一猴騰去取草放火人爭救猴悉逃

計出奇網成空縱未解木遁亦堪效火攻

執爨猴

魏元忠貧止一婢出汲猿爲執爨婢驚告曰猿知我乏人執火更善日以爲常

婢汲綆猿徙薪役物而忘物安貧而樂貧

演伎猴

忽魯斯國有黑猴演諸般本事以帕縛目令人打避之解帕令尋千百中徑取

若是其巧也。諸於俗何如其拙也。升於木。

獻果猴

元順帝初貶靖江泊舟有三猴獻果帝載至貶所放之。猴有緋衣供奉。

命識真果安用獻思效文官

獻德宗文官果酬應賜供奉

守翁猴

咸熙中有翁弄猴於瑞昌門外翁死無人葬猴守久人憐葬之稱義猴。

知生有所養。僕不如知死無所歸。友不如。

求嗣猴

瓜哇國有長尾黑雄猴婦無嗣備果酒求之即有雌雄猴來婦前交感婦即孕。

婦欲感虹。猴先行雨縱得夢蘭亦憐文樹。

劉文樹似猴。

報怨猴

人畜猴、鳶飛搏食其子、猴哀鳴三日、入厨取肉頂頭伺鳶來搏、擘其翅齧之、

詩曰怨極

自生反噬計心平可慨設機危

引渡狼

王仲德與兄叡起義復晉戰敗相失暴雨阻水一白狼銜德衣引路遂濟

知女

也

衣銜孤軍渡悄寄語中山問誰古道

知客鴟

永州府紫霞洞一僧庵每客至訓狐輒先飛出無客長隱不見

春哥好客

老僧著忙檀那

也

檀越

主

未至先商

奮擊鴟

大寧性惡鴟見鴟巢寺彈其二雛大鴟悲鳴一搏其中一傷其鬢旬餘瘡死

破卵堪哀

去惡過厲無怪其痛擊而快意

效語寒臯

晉桓豁畜能教人語坐客皆肖一鼻

苦剪舌能效顰入甕鼻滿座春滑稽之倫

念佛鸚鵡

黃岩寺一八哥隨僧念佛死葬之有紫蓮花穿土而出

生作寒臯死歸淨土紫蓮忽生紅蓮不妬

銜鉤鳥

催行功有鵠鵡銜魚袋鉤玦入室即加大夫鳩化金鉤入張氏懷子孫大貴

鉤入懷昌厥膝鉤入室增厥秩聿修厥德

救井狐

僧置黃精枯井誘人入覆磨有狐報恩令目注磨孔旬餘飛出僧自試卒

從井救人以德報德誘人自試以直報直

聽講狐

燕昭王墓有老狐化男子聽張華講說

嗜古心博聞伎焉知張司空不是胡博士

守節狐

鄭生婦任氏色美依王家侯生出強逼之任力拒脫後去遇獵犬化狐

效襦結凜冰兢從今笑紫紫狐也可號青青

翟素節婢

萬字牛

唐侍郎李元素獻瑞牛額上有萬字李密牛角挂漢書隨行而讀

額有字目曾識丁否角可挂腹曾藏書否

天書藏牛腹

隨喪牛

益州守吉翰養一青牛翰疾牛不食及亡流涕柩未還先驅牛不行喪發隨去

素馬不來舐犢自守近日雀羅下風牛後

殉節蜂

北固山有羣蜂擁主出分收者傷主羣蜂守數日俱死楊遂菴祭埋名義蜂塚

口雖蜜節不踈存亡與俱田橫客許貢奴

集舟蜂

武王伐紂夜濟河有蜂如丹鳥集王舟因以畫旗翼日而梟紂名船曰蜂舟

識君臣義有國士風集舟之意叩馬之衷

節鵲

雄死弩羣推一雄來匹其雌哀鳴百拒雄盡啄殺其雛雌哀死見徐渭集

矢靡他○可與言詩矣○苦節貞○可與鳴易矣○

慧雞

杭徑山釋法欽養一雞不食生不由他所隨之若影及欽入京長鳴三日死葬之

入○無○相○門○出○有○覺○路○鹿○苑○追○隨○雞○園○滅○度○

夢謝雉

裴安祖見鷹逐雉雉觸樹死裴護久乃甦放之夜夢繡衣人來謝

文明族生死周繡衣通一夢白璧勝雙酬

救鶴報雙璧

聽經雉

僧爽講經一雉聽後雉不見托生女爽至呼名說原因度其出家

脫身卵翼翻貝根苗莫畱野性再惹僧敲

放生鵲

薦福塔有巢鵲冬日必取完鳥以燠爪旦則縱之往東是日不東逐南北亦然

來也生全去也義恤大抵皆然丁公不泣

識字鶴

衛濟川養六鶴日啖粥飯三年識字檢書皆使鶴銜取無差

銜不錯心已靈得毋笑飯袋目不識一丁

報客鶴

林逋隱孤山畜兩鶴縱則飛入雲霄逋常泛湖客至開籠放鶴逋必歸

山雖孤德有鄰獨嫌鴻未冥猶費鶴來迎

釋冤鶴

明廣東郡侯林有盜未招欲加炮烙火方熾二鶴各銜火擲水中始知無辜

酷吏火攻僊客水釋爲覆盆仲爲入甕惜

求血鶴

李靖見傷鶴作人語求人血拔眼曉命持照皆畜形惟一翁是人求血敷之愈

嗟乎但觀形影真難得始信輪迴說不誣

語寒鶴

太康二年冬大雪南州人見二鶴語橋下曰今歲不減堯崩年飛去是年大寒

耐歲寒餘千年吾聞其語矣如就其日焉

報壁鶴

崔穆武岡罹雙鶴放之得雙壁

雪○筆○曾○銜○玉○泥○裙○

鶴負金報周恩

亦○負○金○慨○世○態○之○忘○恩○

銜珠鶴

公鶴射傷曾參歸療銜明月珠以報

酬○明○月○吁○嗟○乎○道○士○等○浮○雲○吁○嗟○乎○孝○子○

鶴名達萊道士

報赦鵲

貞觀中黎景逸居空青山養一鵲被誣禁忽鵲噪見公衣素襟人說三日赦至

一○聲○噪○三○日○期○往○來○笑○白○腹○消○息○走○青○衣○

知詔鵲

學士院西軒海棠常栖雙鵲每會食廻翔鳴噪必有詔令宣召之事呼靈鵲

青○童○傳○詔○神○女○宣○麻○莫○將○帝○闕○錯○認○竇○家○

竇申號喜鵲

送柯鵲

柯侯仲守漳救饑有二鵲栖其廳後去鵲送之

民濟粟鵲栖堂豈乏翳桑報誰開汲黯倉

立像鳥

楊震改葬華陰有大鳥丈餘集墓悲鳴帝始知其中直復其官邑立鳥像於旁

銜鱸却暮夜集鳥見青天羽儀立清白傳

誦經鸚鵡

慧甚能誦經每靜人間之日身心俱不動爲求無上道及死焚有舍利

持無上咒了一切事同雪衣娘作白衣使

救火鸚鵡

有鸚鵡集山中禽獸重之後山火鸚鵡灑之天神曰禽獸行善感滅火

羽衣濡火輪伏禽可格天心天難厭人欲

思鄉鸚鵡

林邑鸚鵡、貞觀時獻、一日任久思鄉、一日此地寒、不耐坐、帝憐而還之、

鳥思鄉人增悵問誰乞黃冠倩爾供祖悵

喚花鸚鵡

許漢陽迷路皆花苞、忽鸚叫一聲苞盡折、有美女尺長、能言笑、花落隨沒、

偷天手惜花才笑彼連夜發爭似一聲開

城木鳥

德宗時汴鄭間羣鳥銜木為城高二尺、方十餘里、兵焚之、夜如故、後獨免兵、

口成城救此一方民志成城警此一方兵

銜土鳥

東陽孝子顏烏、負土葬親、羣鳥皆為銜運、鳥口盡傷、今義烏縣即此、

孝思純人以此立名義氣均地以此名城

助哀鳥

北齊蕭昉廬墓二鳥各巢一樹隨昉飲啄祭時亦舒翼悲鳴

詩曰飛鳴尚且增悲泣風木能無倍痛心

訴冤鳥

元麥宗道識鳥語見一鳥哀鳴曰彼云雄鳥爲白沙里人所弋求救跡之果然

訴豈無因○矰亦難拒○安得人心○盡通鳥語○

白頭鳥

燕丹質秦乞歸曰鳥頭白乃可丹悲歎鳥頭盡白遂放

白○仍○留○丹○何○有○空○悲○壯○士○歌○辜○負○將○軍○首○

繫帛鴈

元郝經至宋定和議似道拘留忽鴈集帳書帛繫頸元獲鴈書奏伐宋放還

集○爾○幄○傳○爾○墨○謀○伐○半○閒○堂○心○懷○典○屬○國○

集臂燕

姚玉京巢燕集臂如告別以紅縷繫足
後來六七年如故京卒燕至墳悲死

去作別來如期生無慚紅線死不媿烏衣

繫絲燕

衛敬瑜妻寡絲燕復來詩昔年無偶去
今日又孤歸故人恩義重不忍更雙飛

畱一線只孤飛不忍故人義難忘貞婦詩

貞燕

楊佐家雙燕巢柳雄為猫食雌悲鳴哺雛
成去次年雌獨來巢抱雛之殼春秋來去

獨憐故國猶憶孤雛春風帶得香入吾廬

妬燕

范質家燕育雛雌為猫食雄又配數日諸
雛皆墜剖之皆燕為繼燕害也

天女

燕也嫉屈人燕招如欲全熊夢慎勿續鸞膠

解語孔雀

晉世祖時西域獻孔雀解人語應節而舞太真教白鸚鵡誦心經

舞雖工舌無用縱有解語花難教心經誦

不食漢禽

秦結了能人言番僧買去曰我漢禽也

井絕粒憶故鄉道逢楚魂鳥相看也斷腸

引証蝶

宋蘭溪商被盜殺訴官獲盜無憑禱天有雙蝶繞座命引至林蝶止掘屍盜服

井畔綠衣呼座畔彩衣度罪難逃天開路

戒殺鵝

晉王襲之爲西省郎好宰殺夜鵝各銜一卷皆說宰殺罪福事遂止

三餐業三寸舌誰遣兀地奴解此冤山結

聽經鵝

隨慧遠聽經，遠入京，晝夜鳴噪，送至放入，自知遠房，六年後忽哀叫，不入，遠卒。

生滅預知，追隨不讓，始解梵音，終空我相。

解意鵝

鄞包黃氏，嫠居，鵝雛失母，飼之，起居相隨，能解意，氏卒，啄柩鳴死，瘞，名義鵝塚。

伴嫠婦，泣孤雛，追隨地下，有殷勤，世上無。

戲鵝

洪武幼時，戲以青白二紙旗，豎左右，命青白各立旗下，一花鵝不知所向，殺食之。

黑白間，東西際，花右軍，將安避，天子無戲。

孝鵝

唐德清沈朝家，鵝育卵，出腸死，其雛仰天號切，銜芻母前，若奠，長吁死，埋，名孝鵝塚。

破卵慟，地引頸，呼天生，芻一束，抔土，千年。

烈鵬

匡山敗，陸秀夫抱長興帝俱赴水，時御舟一白鵬奮擊哀鳴，與籠墜水死。

不逐鵠飛，甘隨龍沒，一羽孤臣，千秋閒客。

鵬名

孝犬

段錦攜犬歸，名黑兒，日銜食歸家，啖母，偶宴投饅肉，亦銜以遺母，滿座歎服。

幼嘉懷橘長美遺羹，黑兒無忝遊子心傾。

負米犬

楊光遠叛，圍青州城，孫中舍犬夜置囊書繫背，出竇至庄，負米入城，數日賴之。

困人雉堞，濟人鵠蒼，一卵不破，一飯不忘。

送歸犬

侍禁李貴妻為吳賊擒去，一日祝犬令送歸，犬如聽命，裹糧隨之，七日至家。

一朝聽命，七日裹糧，送珠還浦，攜瑟歸湘。

噬將犬

張彪犬黃蒼同彪赴敵營先噬一將首歸彪死有謀其妻朝夕護之死葬墓旁

先聲已奪魄後護復殉身勝營將傲家臣

除奸犬

新昌民出鄰誘其妻登牀犬噬其陽不放奔邑署叫噪官怪訊婦伏罪

奔署勇守門嚴桃花伴死後栢葉勵生前

有桃花犬隨葬

濡草犬

楊生醉卧火起犬嚙不醒濡澗水洒草得免楊墮井吠人出之索謝繫去逃歸

濡草其智急號井其義切繫而逃其志決

拽衣犬

隋鄭韶守閩僕薛元周挾刃伺韶出犬拽衣不放縛柱斷蔽殺薛得藏劍

負蔡智脫魚腸非同稚牽袂尤異鳴吠梁

犬有花鳴警刺

悔過犬

明蕃育署庵中犬搏雞僧欲害乞憐置石筭如悔過不食葷忽到佛前頂禮化

悔固異化亦殊吠雲也若此聞風者最諸

待食犬

南唐江州徐氏七百口同居畜犬百餘一牢而食一犬不至衆犬不食

犬知待義可做殄臂而奪食長跪而請教

拒賊象

明安邦彥犯黔危一象突出鼻噴泥水作霧賊避獲勝象體出鏃三升斃封塚

爾噴鼻寇奪魄血已化為燐功還銘諸帛

哀雌象

南方四象各有雌雄其一雌死百餘日雄者泥土著身獨不食問之輒流涕

兩淚垂反目者思只百日飢續膠者思只

弦驚膠續

俯伏象

元順帝舞象明破燕使舞皆俯伏製二牌曰危不如素不如挂兩肩

舞不從目不怒

唐舞象努目

如論如不如豈止一危素

曲直象

安南有象知人曲直有鬪訟者令觀之有理即過無理以鼻捲擲空中

身以齒焚獄以鼻斷非廉而能即貪而幹

守圃虎

劉牧好善居山植果蔬人侮之有虎入牧曰汝來護我也出入相守牧卒去

虎曰與善人居與鹿豕伍守望助誰敢侮

李嵩虎能人言

配人虎

明丘高病棄虎飼乳健虎負居窰烹食成配生二子智猛破倭立功虎死合葬

伴一生育二子豈媚狐等哉賢脂虎

陸慎遠矣言妻

憐母虎

郢州姊弟偕樵姊先歸弟遇虎登樹呼姊聞聲至日寧食我留弟養母虎視去

姊知悌身不惜虎知孝弟不食相視莫逆

負歸虎

鳳翔李將軍被虎取呼天王乞命虎喜負投窟養之後負還家每三日一往看

一朝歸三日訊人也固貪生虎矣亦好佞

受戒虎

法聰居襄陽虎橫誦經衍戒有十七虎來受戒敕勿傷人虎叩首去害絕

空空說耽耽格安得虞吏虎魂盡化優婆魄

助祭虎

歐實廬墓虞人格虎入室乞憐寶覆以葉得免後虎每祭日饋獸

虎知報德鑒中山罕人偏假威效中山狼

弄手虎

占城人能手探虎口無傷戲其足輒縮言虎惜爪故也又呼其名即長吼

戲不虐靜而安君子曰噫制虎易制猫難

人猫也

接產虎

資州趙姆接生虎負去收子負歸後復扣門曰死僧衣內有金數兩可取之

姆接虎金酬姆但道山君古誰念山僧苦

拔刺虎

褒斜間一虎當谷老婦過伸足逼之視足心刺一棘拔之去次晨啓門有雙鹿

銜鹿置門酬母拔棘市上之虎以怨報德

証惡虎

金華陳姓同友携資入山友推坑歸謀娶其婦夫遇虎負出訴官猶辯虎至服

友狠心虎仗義証之服桁楊負之全伉儷

指迷虎

瑞安卓敬讀書寶香山夜歸迷路遇牛乘之歸視之虎也後至侍郎死靖難

封邵魄戴文

海鹽令化牛

看負人歸室易負子渡河難

渡河虎

劉琨守弘農虎負子渡河宋均守九江退奸進善虎東渡杜守一个蕭山亦然

心已革路可移君子謂是虎也賢於李微

殘暴化虎

宿衛虎

王荊州有德政卒於枝江三白虎宿衛其側後送柩歸立碑名枝江虎

美殺寅將軍生有情魄殺封使君死食民

集冠蟬

梁朱異為舍人忽蟬集冠上後除中書郎侍中冠金蟬左貂也

與其潔於是乎簪蟬為之兆於是乎彈冠

堽○蓋○龍○

洪武濯泉五蛇就之祝護戰勝五蛇在側掩以堽蓋歸奠雷震騰去

一○朝○助○披○甲○四○海○慶○彈○冠○始○天○授○之○龍○蟠○

授○方○龍○

孫思邈放一蛇龍君召至水府云君救我子報以藥方三千條乃作千金方

水○府○酬○恩○人○間○造○命○一○飯○千○金○較○此○孰○勝○

乞○符○龍○

葉天師講經明州千歲守藏龍為西僧咒水欲罰炎沙乞符救之報以昇騰法

蟄○有○法○昇○有○方○何○畏○乎○梵○咒○何○藉○乎○僊○章○

雪○恨○螺○

南康婦日取螺宿江亭忽眾螺隨風雨齊至齧肉至骨因號地為螺亭

養○身○者○殉○身○亡○命○者○索○命○相○報○間○止○一○瞬○

孝猿

吉州人捕猿殺其母并子賣與蕭氏示以母皮抱之跳踣號呼而死蕭爲述傳

腸斷昔筆垂今物尚有天性捕獨非人心

醉魚

宋劉樞歸江陵有二客謁留飲醉臥及曉見二大魚昇致江夕夢獻二珠徑寸獲之

酬非輕夢亦顯世有以酒亡其身幸而免

求救蟹

餘杭尉范遠夢七人甲冑求救曰某等皆錢氏時歸順人時有獻七蠮蟬放之

堪歎投戈魄仍畱帶甲魂誰設法度迷津

代刺蝨

薛嵩不殺蝨夢蝨變人曰受恩久當効命夜刺客來嵩見被血一線知蝨代也

得償一線血空畱半七痕歎矜細亦保身

佛牙象

僧遇象避樹象倒樹負至病足象所僧為拔去竹刺一象授金函啓視乃佛牙

拔刺藉人手酬恩借佛牙視負德良足嘉

除害象

象負獵者至深谷大樹上有黑獸高十餘丈食二象射死象負歸掘得牙數萬

中一矢酬萬齒惡其害已也報亦不薄矣

訴怨鸛

宋張次山知秦州有鸛集若訴張諭鸛飛令兵隨往有烹其二雛拘斷鸛始去

怨可訴情亦關昔有溫京兆挽鈴鴉今無張次山事同

自經鸛

康熙廿年平原衙童取鸛卵損一以鵝卵代伏之出鵝雄呼羣驚鳴雌經枝死

易羸誰知伏卵安辨負釜含冤覆盆難斷

驚盜畫眉

鄱陽丞黃祝被盜入室熟睡畫眉點籠中鳴呼不輟起視盜驚遁

鳴耶躍耶笑彼關門養虎勝他打草驚蛇

助捷璚瑁

元乘見璚瑁陷沙氣成雲放之三回首與倭戰璚瑁出沒偃賊舟下風捷

留三顧意成一戰功視彼下石當拜下風

授錄野鳴

嶧縣王大棟暮歸見鷹博鴨水田援之夢鴨銜書乃鄉試錄棟名在焉

奪來鷹口食報與鹿鳴知非天意而誰爲

穴孔螻蛄

廬陵守龐企祖繫獄見螻蛄祝之投食數十日大如豚將刑夜穴孔遁出

食以德報以速一日脫囹圄百年存尸祝

命藥蟬

僧法空見童粘三蟬買放後墮地破腦見青衣云姓單承活命示藥愈

緇衣破青衣縫知了也命不了緣空報不空

繫尾犬

趙家犬生子兩月被虎噬趙呼鄰逐之稚犬奔銜虎尾歷險不放虎因繫追斃

抵死不放雖小何餒知此可與言復仇矣

摘伏犬

富商寓寺僧置坎埋之犬見遊客吠至坎所發視復甦白事置僧法

埋未湮吠應急其智可及也其義不可及

援溺犬

烏程顏氏幼女溺池犬吠急見首脊皆苔萍還救出女足有齒痕知犬拯也

齒齧痕苔負脊徒有從井心恨無援手策

隨軒鴈

虞國爲日南守仁愛時有雙鴈隨軒秩滿還家鴈俱至卒抵墓不去

軒乎舞澤不嗟揮絃彈夜月歸鴈落平沙

琴曲平沙落鴈

治田鴈

上虞縣有鴈爲民治田春拔草根秋啄除穢禁民不得妄害犯則無赦

鳥爲之耘有鰥遺德甫集哀鴻敢忘帝力

義鴈

元裕之逢捕鴈者獲殺一鴈生者悲鳴自投地死元買葬汾上號鴈丘作摸魚兒詞

一抔土千秋悲迄今嘹鴈過猶弔摸魚兒

義鵲

陰崖鷹雛爲蛇噬雌不能制雄領健鵲啄蛇死杜甫作義鵲行

羽○中○有○郭○解○義○可○揚○筆○底○有○少○陵○名○益○彰○

俠

酬恩龜

毛寶軍人買養一白龜放之江遭敗投水如墜石上浮出視之乃所養龜也

舍爾靈龜。拯我寶筏。豈無負恩。偏工反齧。

升木龜

出崑崙第五層有神龜長九尺兩翼升木而居能言人休咎事不待卜

言有緒殊異乎鸚語居有憑殊異乎猱升

左顧龜

孔愉放餘不溪左顧者三及愉封侯鑄印印首左顧鑄之再三宛似所放龜

放無心答有因顧前還顧後鑄金得鑄人

還錢龜

嚴泰見漁舟龜五十以錢五百買放之夕有烏衣人五十謁泰父還錢五千

半百活五千遺何報之速也而功必倍之

挑宮龜

隋開皇中、每夜有人挑宮人、帝聞令來、時斬之、逐入池、沒、涸得徑尺龜、有刀痕、

預○網○可○逃○法○網○難○避○肉○陣○自○迷○乎○焉○得○智○

托夢龜

宋元君夢龜曰、漁者預且得、予君召且、得白龜圓五尺、剗之七十二鑽、無遺策、

哲○難○保○一○身○數○何○辭○網○難○開○一○面○夢○安○施○

療病鼈

宋傅慶中、買一大鼈、銜婢衣、婢不忍殺、放之、後婢病熱症、忽鼈披泥塗胸、病愈、

賴○熱○腸○解○熱○證○報○亦○非○偶○然○數○豈○皆○前○定○

救生鼈

明王元婢秋香、放鼈數頭、主覺懼投池、已沉三日、撈起、見衆鼈擁不死、主戒殺、

因○好○生○而○舍○生○不○求○報○而○食○報○物○情○天○道○

街題鼈

高郢好生、讀書豐亭、見鼈行案、細視石也、擬題祝街、乃沙州獨鳥賦、果出首選

獨鳥街巨鰲截一笑囊草螢不如祝石鼈

傳赦蠅

符堅屏人作赦、有蠅厲聲驅之、俄皆知赦、詰得云有青衣童子呼街中、乃蠅也

金雞未傳青蠅先度大哉王言掩耳何故

集筆蠅

長安酒傭見蠅飛酒中、取乾放地、後爲盜誣、官援筆蠅集、疑問得釋

救死甕中超生筆下止棘止樊益增聲價

接浪馬

王行思養一馬、乘往過潦、舟先渡馬、回舟迎王至中流、船覆、馬自岸奔接得免

破浪膽雄驚帆名馬義接莫相以輿請市其骨

雪仇驗

王成爲寇李元礪殺馬爲礪弟得卽乘犯柵馬識幟馳賊歸成營遂執驗餓死

不負生不愧死爾骨重於金世情薄似紙

尋主馬

孫堅與魏戰墮馬不知其處忽馬突營悲鳴卽逐馬往得之草澤中

汗血奪疆場英雄出草澤路難尋跡不沒

殉帝馬

建文出亡武臣識抱泣棄馬從舟作別馬詩帝舟開馬卽嘶蹄而絕

誰是從龍彥徒存別馬詩一棹去一鳴辭

垂韁馬

符堅墜澗追迫馬垂韁不及跪而就之堅攀以登岸遂走廬江

危而持俯而執垂韁智可師投鞭悔何及

拯枉鳥

始皇時枉死滿道有鳥如鳥銜草覆屍卽活問鬼谷知卽祖洲不死草也

冤難雪救以草枉法今在人直道今在鳥

定罪鰐

占城有鰐魚凡訟難決者令過此曲者食之直者不食扶南林邑亦養鰐同此

冤燭覆盆公同懸鏡鐵面波臣魚頭叅政

附言

婆餅焦

夫遠戍婦登山望之化鳥時烹餅呼此

婆餅焦婆心切常過望夫山每懷畫餅咽

爹歸來

即聽曲蟬也黑色飲清明水即呼此過端午則止

爹歸來日日是歸期爹不歸在在可增悲

脫却破袴

鳴鳩聲也又呼阿公阿婆割麥割禾

脫破袴補新布也堪辦官糧只愁無主顧

銅壺滴漏

鶯聲也

滴漏漏盡鍾鳴方撒手斗酒黃柑誰到口

解解結結

嶺南鳥聲也

解解結斷一刀若自投羅網怎跳出圈條

架架格格

戴勝聲也三月五更鳴農以為候二名榨油郎

架架格格榨油郎今年多種秫釀酒恐無缸

蠶絲一百箔

黃州鳥鳴也

一百箔二月熟寧剗肉舊欠不清難再續

鳳凰不如我

號寒鳥暑時羽彩絢爛鳴此

鳳不如自矜奇總是鴟鴞之與山雞癡癡

等不得天明做個窠

號寒鳥冬時羽落夜鳴此及早鳴得過且過

等不得夜何其算盡千條路仍借一枝栖

麥飯熟即快活

黃州鳥聲

麥飯熟諸父速新連清舊不贖初子可讀

得過且過

過且過年復年且盡生前酒莫算未來錢

看蠶看火

吳興蠶時有鳥鳴此

呼蠶婦看蠶稠雪中無送炭火上莫加油

姑惡

水鳥也婦爲姑虐死故鳴一云苦鳥其鳴曰苦苦

姑惡姑不錯小姑話短長作羹湯未遣嘗

瘦兒

類雀其形瘦長色黃斑背紅頂有一跳羽鳴此

瘦兒兒瘦何悲信天者樂飢食言者多肥

情急了

昔人挑女鳥傳言久未就鳥呼此遂合後訛名秦吉了

情急了言鑿鑿試問真情種何如假道學

春去了

報春鳥正月呼春起也三四月呼此

春去了金樽倒若教花不飛除非人不老

王岡哥

塞上鳥聲也鳴繼以血傳兄弟樵山兄爲虎害弟呼名求之不得化鳥呼此

王岡哥○悔○恨○多○早○知○無○苛○政○何○苦○戀○斧○柯○

蘄州鬼

王元之自黃移蘄聞啼此惡之云卽九頭鳥

蘄州鬼○氣○機○動○時○衰○則○鬼○弄○時○來○則○風○送○

提壺盧

提○壺○盧○低○首○問○當○壚○桃○花○人○面○有○也○還○無○

甕鼻臭

四明鳥聲

甕○鼻○臭○莫○貪○杯○爾○呼○如○捉○鼻○我○聽○亦○攢○眉○

姑姑弟弟

阿嫂鳥聲也

姑與弟莫分飛兄和冷暖知嫂賢家室宜

哥哥擋擋

四明鳥聲也傳弟淹死鳴此

哥哥擋魚腹葬消宿障那得箇渡杯和尚

但南不北

鷓鴣對啼此其志懷不思北也又鳴杜薄州出黃州

但南不北巫女雲眠得熟湘妃竹盼得綠

不如歸去

子規鳴也鳴皆北向哀吻有血自懸樹又呼謝豹

不如歸歸無期歸得來時人已非莫遲遲

堂前捉績子

堂前捉。嬾婦。促。哭。績。得。東。門。麻。省。糶。南。畝。穀。

行不得哥哥

鷓鴣聲也

行不得哥哥。穿捷徑。走如梭。失足更如何。

我望帝也

杜鵑乃望帝所化故鳴此又鳴悔殺我

我望帝。悔莫追。沽名終有累。泣血亦徒悲。

咄咄下去

治鳥如鳩巢樹樵至鳴咄咄上去宜往鳴此犯則遇虎

咄咄下。母待炊。賣得分釐。但易米。莫沽醅。

歸去樂

歸去樂。履不錯。把酒慰長松。敲棋醒老鶴。

泥滑滑

竹雞聲也

泥滑滑。人更滑。如泥泥滑。戰戰心險。嘻嘻。

好箇買柳

好箇柳。朽欲速。子不聞。牀頭有穀。有人哭。

莫摘花果

惜春鳥鳴也

莫摘花。貪結果。與栽無果。花寧植。無花果。

上皇安否

郭浩至隴見紅白二鸚鵡問上皇安否乃徽宗發還感恩不忘也

上皇安否艮嶽花開不久翠樓棋言之醜

菩薩去了

登峨眉山觀佛光有鳥鳴施主發心菩薩來到光散鳴施主布施菩薩去了

菩薩去我還住破得施主慳博得山門趣

黃巢殺我

人被黃巢殺死化怨鳥呼此

巢殺我我栖巢勸人卯莫破衝天怨未消

巢名衝天將軍

打麥作飯

同下三題見陸放翁劔南詩鈔石崇家飯化螺被誅

麥作飯勝脫粟莫厭飫齊奴鍋裏變螺肉

架犁

架一犁。足春雨。多釀黍。迎虎迎貓。將勸汝。

拔筍

○子母公孫皆竹名

莫拔筍。筍繞屋。子母篤公孫。續山居。願足。

也快活

那營國有鳥。似人言。半夜呼凍死了我。天明呼天明。立箇窩。日中呼此。

也快活。日中則昃。還知否。宜回首。補破牖。

摘箇橘

白頭翁鳴也

摘箇橘。龍叟泣。青山志未酬。白首歸何及。

